

壬寅新民報

14  
953  
(14)



山

曾
753
14

門 4  
號 753  
卷 14

壬寅新民叢報全編

文苑第二十三

棒喝集

張茂先厲志詩崔子玉座右銘蕭選錄之取諷勸焉今師其意譯錄中外哲人愛國之歌進德之篇俾國民諷之如晨鐘暮鼓發深省焉名曰棒喝集但其所襲集者或由重譯或採語錄其詞句或毗于拙樸焉買珠者不必惟其積也

日耳曼祖國歌

德國格拿活

德意志未建國以前諸邦散漫無所統一為強鄰所凌蹴於是愛國之士特提倡日耳曼祖國以激厲其民當時文豪以此意被之詩歌者最多此亦其一篇也

吁嗟美哉神聖國。萊江西橫東海碧。葡萄滿原鬱相殖。有實如金爛其色。糾結恰是同氣脉。日耳曼兮我祖國。

吁嗟美哉神聖國。萊江西橫東海碧。小川悅流不肯逆。大川似驕勢漸濶。大川小川爭相憚。日耳曼兮我祖國。

吁嗟美哉神聖國。萊江西橫東海碧。愛此山林氣秀特。岩為城兮鐵為壁。雄風凜凜敵可嚇。日耳曼兮我祖國。

吁嗟美哉神聖國。萊江西橫東海碧。孤鷺翔空垂雲翼。被覆州郡幾十百。天家徽章視歷歷。日耳曼兮我祖國。



祖國  
吁嗟美哉神聖國。萊江西橫東海碧。鷺翼鳴處下天救。同胞額手歌且拍。忠愛相結永弗斃。日耳曼兮我祖國。

題進步圖

日本中村正直

中村正直字敬宇日本維新大儒也嘗譯西國立志編其他著述甚多皆以激厲國民進取之氣

堅忍不拔之志者也今錄此篇見其一斑  
兩山夾帶路偏仄如往而回轉折百忽見老牛駕車來運輸米粟載充積進步難兮進步遲終不退兮終  
不息不問千里更萬里能自極南達極北人生進步亦如此任重道遠耐艱危有時快馬行平地常恐中  
途或顛路不如般解任脚行得寸則寸尺則尺君不見泰西開化非速成累世勤苦臻此域

日本少年歌

日本志賀重昂

志賀氏為日本地理學大家政客中之錚錚者也此篇殆其少作不免有叫囂之語然亦可為發揚  
志氣之一助也故錄之

君不見地底火力億萬斤。勃乎爆發發海之隅。北半球之大陸四潰裂。東方初造別震區。一高者秀為富士  
嶽。屹然出海如斧斲。一低者沒為琵琶湖。合香中州乘斗樞。一東西南北三千里。河維流兮山維峙。天公  
一擊斯山河。賦與日本快男子。一六氣和調五穀蕃。家給人足如桃源。桃源春深聲喧囂。一睡避世二千  
年。一天雨粟大鬼小鬼相踵哭。蒸氣吐烟電氣激。開明大勢日逼促。一霹靂墜地忽一聲。桃源之人夢魂

驚。普騰睡眼百磨擦。初認西方有光明。一須臾光明如霞電。燭天蔽空眼欲眩。驀也進來東洋天。焚盡日  
本全局面。一老人狼狽望影奔。少年抵掌咲欣欣。天荒破得舊天地。鮮血染出新乾坤。一新日本新日本  
滔滔大勢如決壘。新日本來兮舊日本去。少年起兮老人逝。一吁嗟少年風雲正逢遭。活天活地屬吾曹。  
歌成昂然仰天望。富士山頭旭日高。

德國男兒歌

隔句互韻用原詩體

日本內田周平譯

膂力強兮心志雄。阿爹蓋賜一口劍。誰言乳臭不奏功。滿腔已蓄丈夫念。一丈夫偉業進取可甯與小兒  
事細娛。榮光吾亦如阿爹。誓為祖國効此軀。一少小志念自不群。生平所弄唯介冑。昨夜夢中赴敵軍。身  
負大傷益奮鬪。一咄喊枕上自驚覺。正自南土戰場來。此朝試技又不惡。打拳擬仗叫快哉。一近日國軍  
迴此鄉。各隊威風何整暇。就中輕騎意特揚。疾驅如飛過我舍。一當時群童凝望久。一行無不伸雙眉。吾  
獨幽鬱君知否。斯膂未得揮霍期。一膂力強兮心志雄。阿爹蓋賜一口劍。誰言乳臭不奏功。滿腔已蓄丈  
夫念。

東瀛輶軒集

枯坐無聊適得五律

藤波千溪

見性本難得。嘔心何敢休。風塵獨覺佛。天地一詩囚。靜坐看雲起。吟行聽水流。人間百年事。吾欲問沙鷗。  
一冬暖風日。霜霽四圍山。枯木夜叉骨。好花迦葉顏。馬銜紅果去。僧踏白雲還。極目豁無礙。夕陽詩思閒。  
傾盡碧筒酒。佛前詩味多。迷禪情灑灑。得句笑呵呵。片月浮千水。微風起萬波。寒山彼何物。畢竟一頭陀。

禪不依文字。詞唯見性靈。梅花孤帳白。竹院一燈青。悟道無僧過。吟詩有鬼聽。夜深天籟寂。寒月照空庭。南無賈島佛。千載是吾師。蒲爵先拚飲。孤龕例祭詩。寒驢身獨蹇。瘦鶴骨同奇。醉臥蒼梅下。林逋夢見之。

鳳雛歌并序

西村松園

羽後大館中學在鳳凰山下。因名寄宿之舍曰鳳鳴堂。諸生在堂學者二百許人。余乃作鳳雛歌。以勗諸生云。

鳳雛群兮鳳山之隈。鳳山崔嵬不易攀。巔有天日赫灼輝。鳳山之下有原芳州。滋鳳晨出遊。破音暗。暗鳳山之下有堂瓊樹開。鳳暮來歸。破樂熙熙。鳳之雛二百。五彩陸離。倘伴逢魯叟。何發已矣悲。倘伴楚狂過。何謠德之衰。生遭聖世。已優唐虞時。身備七德。爰招凡鳥。譏。睹彼雀鷄。翔翔藩籬。顧此鷄鷄。蟻蟻之追。鳳亢翼兮九千仞。竹實食兮梧桐棲。鳳雛鳳雛。養爾之翼。與德上彼高岡。鳴彼朝曦。

南普陀

結城菴堂

莫是江湖杜牧之。普陀巖上去題詩。僧無我相微微笑。客有禪心默默知。漱石卧雲秋水淨。焚香掃地夕陽遲。鐘聲敲斷揚州夢。半榻茶烟捲鬚絲。

自廈門至福州舟中

全上

萬頃烟波。醮夕。曉寒。潮欲落水。生紋。風流有罪。餘香。夢。歌。辭。無。懷。刺。綺。文。白鹿洞中秋卧月。碧泉巖下曉烹雲。十句詩酒。渾陳迹。多少江山。醉眼分。留別孤帆一片度滄溟。十月潮寒龍氣腥。殘日分愁天莽莽。亂濤驚夢夜冥冥。雲連吳越多奇險。海扼臺澎刺

勝形擬寫南荒多少異。知吾詞筆已通靈。

萬里乘槎。騰氣豪。萍蹤唯托一孤刀。七閩瘴氣侵詩卷。百粵蠻颺掩客袍。蒼鶻盤空雲欲裂。老鯨橫海月方高。孤舟半夜晚河漢。渤海無邊莽怒濤。

新年招同天飈洪洲中洲山陰易水諸賢過飲松風亭用白樂天正月三日開行韻

五峰阪口恭

笑檢酒衫星尚在。休嘆詩鬢雪難消。梅花深巷接深巷。楊柳一橋多一橋。春水碧。波羅幅。畫簾紅。逗燭條。東風從此須行樂。繞入新年未數朝。行年四十又加四。酒解消寒愁不消。已被春風吹白髮。誰先畫舫過紅橋。枇杷門掛新蟾影。翡翠簾遮嫩柳條。邀得諸公同一醉。野人生日是今朝。

韻送寄

裳川岩溪晉

十歲揚州如夢覺。三生杜牧欲魂消。樓樓酒布魚鱗瓦。處處歌船鴈齒橋。浴鴨水猶翻雪浪。藏鶯柳欲引烟條。酒邊韻事賭詩後。定養春醒過幾朝。

雪朝東江木冷灰博士

全上

昨夜枕頭攤卷看。雪聲急灑小欄干。室催虛白天三尺。爐宿微紅火一團。早起有詩將問訊。先生與竹定平安。迎賓復見王仁裕。高會風流追煖寒。

詩界潮音集

二十世紀太平洋歌

任公

亞洲大陸有一士。自名任公其姓梁。盡瘁國事不得志。斷髮胡服走扶桑。扶桑之居讀書尚友既一載。耳目神氣頗發皇。少年懸弧四方志。未敢久戀蓬萊鄉。誓將適彼世界共和政體之祖國。問政求學觀其光。乃於西歷一千八百九十九年臘月晦日之夜半。扁舟橫渡太平洋。其時人靜月黑夜悄悄。怒波碎打寒星芒。海底蛟龍睡初起。欲噬未噬欲舞未舞深潛藏。其時彼士兀然坐。澄心攝慮游宵茫。正任華嚴法界第三觀。帝網深處無數鏡影涵其旁。驀然忽想今夕何夕地何地。乃是新舊二世紀之界線。東西兩半球之中央。不自我先不我後。置身世界第一關鍵之津梁。胸中萬千塊壘突兀起。斗酒傾盡盪氣迴中腸。獨飲獨語苦無賴。曼聲浩歌歌我二十世紀太平洋。一巨靈擊地鏡鴻荒。飛龍碎影神螺僵。上有博士碩蒼蒼。下有積水橫決決。博土為六積水五。位置落錯如參商。爾來千劫千紀又千歲。保蟲緣蟲為其鄉。此蟲他蟲相闕天演界中復幾劫。優勝劣敗吾莫強。主宰造物役物物。莊嚴此土無盡藏。一初為擾亂次小康。四士先達爰濫觴。支那印度遼以隔。埃及安息亞細亞。今從之鄰相望。地球上古文明祖國有。是厥名。河。流。文。明。時。代。第一紀。始脫行國成建邦。衣食衍衍鄭白沃。留遺僕僕浮茶梁。恒河鬱壯身毒長。揚子水碧黃河黃。尼羅。一歲一泛濫。姚。姚。姚。士。河。皆。安。息。大。河。名。蜿。蜿。雙。龍。翔。水。哉。水。哉。厥。利。乃。爾。溥。浸。濯。暗。黑。揚。晶。光。一此後四千數百載。羣族內力逾擴張。乘風每駕一葦渡。搏浪乃持三歲糧。海不得風或三歲乃就。就中北辰星拱地中海。慈威靈騰光。岸環大小都會數百計。積氣森森盤中央。

自餘各土亦爾爾。海若凱奏河伯降。波羅的與亞刺伯。西域兩極遙相望。亞東黃渤瀾。壯以闊。亞西尾閭身毒洋。度拜斯名內海文明時。第二紀。五洲寒暄殊未央。一蟄雷一聲百靈忙。翼輪降空神鳥翔。天神見其船之帆。謂為翼也。咄哉世界之外復有新世界。造化乃爾神祕藏。閣龍相本譯哥倫。去舉國狂帝者挾熾民。贏糧談瀛海客多於鱗。莽土倏變華嚴場。竭來大洋文明時代。始萌蘖。巨五世紀堂哉皇。其時西洋大權力漸奪西海。兩岸新市星羅棋布。氣賦長虹。世界風潮至此忽大變。天地異色神鬼眩。輪船鐵路電線。千里縮地疑有鴻秘方。四大自由。行。為。自。由。出。版。自。由。塞。宙。合。奴性銷為日月光。懸崖轉石欲止不得止。愈競愈劇愈接愈厲。卒使五洲同一堂。流血我敬及頓曲。香。為。嶺。島。土。民。所。殺。衝。鋒。我。愛。麥。寨。郎。始。於。一。五。百。九。十。九。年。鼎。鼎。數。子。隻。手。挈。大。地。雷。光。一。掣。劍。氣。磅。磅。太。平。洋。一。太。平。洋。太。平。洋。大。風。決。決。大。潮。滂。滂。張。肺。飲。地。地。出。沒。噴。沫。衝。天。天。低。昂。氣。吞。歐。墨。者。八。九。况。乃。區區列國誰界疆。異哉似此大物隱匿萬千載。禹經亥步無能詳。母乃吾曹軀殼太小君。太。棄。我。不。屑。齊較量。君兮今落我族手。游及當盡君所長。吁嗟乎。今日民族帝國主義正跋扈。組肉者弱食者強。英獅俄鷲東西帝。兩虎不鬥羣獸歎。後起人種日耳曼。國有餘口無餘糧。欲求尾閭今未得。拚命大索珠皇皇。亦有門羅主義北美合眾國。潛龍起藝神米揚。西縣古巴東菲島。中有夏威夷。八點烟微茫。太平洋變裏湖水。遂取武庫廉奚傷。最爾日本亦出定。座容卿否費商量。我尋風潮所自起。有主之者吾弗詳。物競天擇勢必至。不優則劣兮不興則亡。水銀鑽地孔乃入。物不自腐蟲馬藏。爾來環球九萬里。上一砂一草皆有主。旗鼓相匹強權強。惟餘東亞老大帝國一塊肉。可取不取毋乃殃。五更蕭蕭天雨霜。鼙聲如雷卧榻傍。

詩靈罷歌鬼罷哭問天不語徒蒼蒼一噫嗚呼太平洋太平洋君之面分錦繡壤君之背分修羅場海電  
兮既設艦隊兮愈張西伯利亞兮鐵路卒業巴拿馬峽兮運河通航爾時太平洋中二十世紀之天地悲  
劇喜劇壯劇慘劇齊輪轆吾曹生此豈非福飽看世界一度兩度兮滄桑滄桑兮滄桑轉綠兮迴黃我有  
同胞兮四萬五千萬豈其束手兮待殛招國魂兮何方大風決決兮大潮滂滂吾聞海國民族思想高尚  
以活潑吾欲我同胞兮御風以翔吾欲我同胞兮破浪以馳一海雲極目何茫茫濤聲徹耳逾激昂豈腥  
龍血玄以黃天黑水黑長夜長滿船沈睡我榜徨濁酒一斗神飛揚漁陽三疊魂惜傷欲語不語懷故鄉  
緯度東指天盡處一線微紅出扶桑酒罷詩罷但見寒天一鳥鳴朝陽

廣詩中八賢歌

詩界革命誰歎豪因明鉅子天所驅驅役教典庖丁刀何況歐學皮與毛諸賢將智由觀雲○君運於佛  
學尤好慈恩宗因自號因明子  
東甌布衣識絕倫梨洲以後一天民我非狂生自云詩成獨泣問麒麟平陽宋枚叔理文涵九派五言  
怨平陽宋枚叔理文涵九派五言  
直逼漢魏道蹈海歸來天地秋西狩吾道其悠悠蘇杭草炳義甯公子壯且醇每翻陳語逾清新嘯墨  
蘇杭草炳義甯公子壯且醇每翻陳語逾清新嘯墨  
淚常苦辛竟作神州袖手人議甯陳三立伯嚴○君昔贈余詩有憑哲學初祖天演嚴遠販歐鉛撓亞  
一片風雲氣來作神州袖手人之句  
合與莎米謂莎士比亞及米兒頓也為鯨鯨奪我曹席太不廉候官嚴放言玩世曾嚴庵造物無計逃錫鏡  
皆歐洲近世大詩人也  
曼歌花叢酒正醇說經何時詩道南相卿曾廣鈞重伯○君昔為余畫扇作齊詩圖跋語云絕世少年丁  
任公好余所治齊詩以圖予之詩道南矣其在率類此  
令威選字稷俊文深微伴狂海上胡不歸故山猿鶴故飛飛禮頓丁惠君遂之節如其才呼天不應歸去  
禮頓丁惠君遂之節如其才呼天不應歸去  
東海枯石爛詩魂哀吁嗟吾國其無雷淮南吳保初彥復○君抗疏憂國事不得達  
淮南吳保初彥復○君抗疏憂國事不得達

燕京庚子俚詞

平等閣

撐雲樓閣送斜陽天外孤鴻枉斷腸帝子不歸秋又去萬鴉如葉撲宮牆辛丑秋末過長  
安門即景一首  
一家禁苑無人到十國爭馳劇可哀徹耳軍歌聲不斷兵車夜半出宮來  
醉歸無限意茫茫幾處燈光出苑牆依舊晚風澄碧水玉橋明月白如霜  
霧袂雲鞋不染塵髮髮垂鬢鬢盈盈鈿車寶馬爭馳掣認是誰家紫禁城  
匾聯照耀張金屋衣拿鞦韆映彩旗處處壺漿低首拜原來十國盡王師  
排外尚非歷史恥勞師無乃國民羞郎君熱血濃清淚枉作無情江水流  
太平詞舞尋常事幾處風颭幾色旗國自興亡誰管得滿城爭說叫天兒叫天兒  
也

雜詩

同

甘為游俠流離子孺婦無顏長者憂何不掃除公義盡讓他富貴到心頭  
每因意憤言愈憤自覺心平氣未平依舊片帆蒼莽去風濤如此那堪行  
平生不作牢騷語我讀斯言氣一王不幸離羣墮塵海聞聲觸色總堪傷京師破後外人之無理構虐  
及華人之甘心奴賤憤無可憤  
能無可救  
能不悲乎

年來最苦團圓節懷友思親總愴神一樣亞洲好明月瀛車碾夢過西京辛丑中秋夜作蓋憶  
去秋此時正過西京  
海山風景纖塵絕入室清幽想見之一斗小臣先醉矣夢中天樂坐張時

觀雲

當筵鐵撥動琵琶。觸念河山感慨多。別有迴腸絲竹外。獨尋水石看梅花。

弔吳孟班女學士

年來歷歷英才盡。人虐天饕兩若何。女史傷心編往事。神州蘭蕙已無多。謙吉里邊夕照黃。中虹橋畔柳絲長。女權撒手心猶熱。一樣銷魂是國殤。

壬寅正月二日自題小影

濁濁誰能知總因。但憑願力入風塵。江湖形狀喪家犬。自作人間補憾人。

朝吟

牆外疏聲風習聲。朝來耳管不分明。虛空放我渾無著。萬物沈寒天地清。

詩史

白骨填黃河。清流飲恨多。可憐唐社稷。一樣付流波。

虛騷

世人皆欲殺。法國一虛騷。民約昌新義。君威掃舊驕。力填平等路。血灌自由苗。文字收功日。全球革命潮。

感事二首

有情子

昨夜飛翻夢鬼雄。荆卿劍氣壓長虹。却憐滄海馳商鮪。豈有寒冰語夏蟲。失計始知徒負彈。捐心誰悟早存逢。何時得飲玄黃血。一洗塵埃日再東。

住心暫宿範形地。一悟無端又墜空。狗子自然非佛性。蜂雄強半委天工。十年舊友多成夢。一紙虛名編

效忠。我欲尋春多少語。豈知春去已難逢。

辛丑冬日登山望雪感賦

平等閣

千論紛馳萬象繁。舉頭抬眼更何言。到心哀樂原平等。此近日休入世愛憎也法門。宙合彌綸此以太古。今遽嬗我靈魂。日星整滌皆吾事。且上崑崙掃雪痕。

偶翻殘稿拉雜盈尺矣悵然賦此

日生

二十世紀競爭世。豈是揚風托雅時。聊託音聲寫懷抱。不妨寓重任差池。莊子天下篇寓言十九重言十七多哀怨者聊復爾。折芳馨兮遺所思。孔佛耶回千萬語。何曾文字果然離。

緣裳招飲席上共譚北事感賦八首

默士

舊地新交此再來。主賓俱是劫餘灰。豺狼自古橫當道。麋鹿於今又上臺。易水風寒三尺勁。蜀山天遣五

下開蒼穹終古傾。西北誰是人間種禍胎。夜深跳舞影婆娑。金鼓鑿鑿鬼唱歌。豔說神師精地道。不逢壯士挽天河。九重粟帛貽窮寇。十八阿羅共

伏魔。從此狂瀾難砥柱。海鯨無水亦生波。羽衣一曲舞裳霓。不道漁陽動鼓鼙。涇渭地中分畛域。昆侖天險隔東西。將軍跋扈皆梁冀。相國逃名愧

妖星閃爍煽天閻。逼近薇垣入上方。莫怨長官都憤憤。可憐大劫本茫茫。白蓮龍鳳重司令。黑夜狐狸生御床。歎息貔貅過十萬。任他蛇豕發猖狂。



毒霧迷茫白日昏。圍城毒突竟無門。紅燈綠酒迷人陣。碧血青磷怨鬼魂。一隊笙歌嬌女子。昔時文繡舊王孫。軍前行酒強歡笑。洗到青衣有淚痕。  
劍履朝班儼帝容。人臣勳位極壙封。長城塞外召回鶻。滄海波深走孽龍。雲雨全憑翻覆手。恩仇大快老奸胸。至今貸死歸沙漠。憶否君恩倍萬重。  
降旗夜豎石頭城。頃刻通衢盡敵兵。崔立一家先戮辱。李綱百計苦經營。天心未悔干戈禍。海面重驚鼓角聲。燕雀處堂猶夢夢。不知何日報昇平。  
軍書午夜引杯天。回首燕雲益惘然。河北不關辛棄疾。江南重見李龜年。傷心隋苑題新柳。灑淚吳宮看採蓮。底事六朝亡國恨。秦淮蕭管總嬋娟。

中興四賢評

蒲生天漢

湘鄉創局儲船械。從此民權震壁泥。何似祖龍鑄鐘鍊。去兵明訓鑿宣尼。(曾文正)  
鄂江流血成紅海。軍府催租事未央。曾泊鸚鵡洲。問漁父。聲聲陳涉勝秦皇。(胡文忠)  
提軍萬騎為牛後。稟項封侯亦大癡。單說南陽有新亮。依然文若飲鴆時。(左文襄)  
舒桐豪氣小天下。願棄前旛掉勝鬘。至竟圓碁難賭墅。白頭愁對八公山。(李文忠)

和因明子即席口占原韻

楚囚

大地不堪重駐足。此身惆悵欲何之。可憐一掬傷心淚。白紵筵前醉酒時。

前題

泗澄

頭顱尚託微軀戴。痛念殘生何所之。當道豺狼貪利祿。碧天猶是血濺時。

前題

日生

罪言空有書三篋。贏得清狂似牧之。且自尋春且消遣。綠陰莫待已成時。

再成一首

楚囚

滿腔哀怨託銅琶。樂府當年重漢家。別具幽懷人不識。嚴寒應有遲開花。

懷辜儒

復腦

漫漫長夜一鷄鳴。此是東南希有聲。八百魔龍窮阻力。人天漸放大光明。猛聞南嶽一聲雷。顛倒傷心劇自哀。神未返真吾死我。佛恩指點再輪迴。

懷天囚

復腦

華嚴國土恒沙數。流轉相遭作弟兄。而又現身病夫國。嗟哉天俶佛何言。金剛身戰玄黃血。智慧眼清惡濁塵。精進益加勇猛大。共肩責任救金人。

水調歌頭 述意寄華威子

惺庵

卓犖觀書史。所志在春秋。未知肝膽誰是。中夜舞吳鉤。天下英雄餘幾。只有使君與我。敵愾切同仇。記取祖生語。擊楫誓江流。指揮定。談笑頃。掃貔貅。莫圖斗大金印。都只為身謀。須有十年勛業。震動環球耳。目慘澹佛狸愁。直抵黃龍府。恢復舊神州。

遊印度舍衛城訪佛迹

明夷

十一月廿日于舍衛城外三十八里得佛舊祇林須菩提布金地遺址殿基猶存三角樓尚完遺柱三百有四其西南則半圯矣環廊尚有四面皆純石半完半圯西門五石龕最完好其西南一堂崇牆三重巋然餘皆為回教所毀登塔四望羣岡自鷲嶺走來數重環裏其氣象為印度所無宜佛座其間也頽垣斷礎無佛無僧大教如斯浩劫難免其他國土一切可推携次女同璧來遊感愴無垠車中得九詩紀之支那人之來此者自法顯三藏而後千年而至吾矣

印度萬里無一山舍衛大城鷲嶺環粗石怒奔走平阜抱迴佛窟營中間印度自須彌山以南萬里平原雖高數十丈而石氣莽蒼為印度所無餘山皆土平亦異境也宜佛住于是矣實為印度之中故一咸佛土四營帝都人居百里氣象萬千迥于金陵及燕京焉未登闕里撫遺櫓先來祇樹訪布金地上三千年教主頽垣壞殿愴餘心

堂構經營須長者鐵表摩訶阿育王殿廊遺柱三百四此是瞿曇說法堂殿中有鐵柱高二丈餘大合布金舊址周七里結石精廬餘五間想見當年妙巖相回環舍衛六重山法顯最先記佛國玄奘以後無西遊支那次我第四容白馬馱登二石樓金殿皆壞惟二角石樓尚完登殿經今象教東行而四方反寂滅我來為支那第四人矣

可憐蒙古第一帝長痿原陵依講堂可憐文字偏壞壁七百年來同蕪荒帝蒙古第一帝心梓願巴應打馬帝既燕帖木兒之子也高塔摩霄三百級俛看舍衛四遷城霸圖佛跡俱零落指點山河落日明十七百年為印度大王他話二帝都如應勒河再遷呵馬有河三遷厄忌巴路遠今亦七百年矣

世界本來有成壞化城無礙現華嚴天龍神鬼圍千億似有雷音震塔尖夕陽驅馬重徘徊再上臺階認劫灰迎葉曼殊膜拜處更無香火首頻回

游春雜感

故鄉春色今若何佳人天末怨微波洛橋灞橋楊柳死江戶長條空復多繁櫻壓城鶯亂飛如風剝地蠻雲霏東園一夜顏色盡無復倭壤門舞衣出郭凌雨馬無力賭墅看花人未歸一春流潦苦妨轍自由車含秋扇悲自由車俗名腳踏車本約二三子門車為兒日游屢次阻雨行不得也雨餘膝膝薺麥滋上有三五黃粟離飛飛慎勿啄金屋吾與爾曹俱苦飢

秋感八首

黃沙烈烈吹南風燕啄皇孫將母同洛陽門前銅駝泣會見汝在荆棘中新亭名士泣霑衣風景不殊江河非金狄已去冬青死猶有寒蝶東園飛河南河北桃李花飛來飛去落誰家六宮粉黛一夕老樂遊原上空寒鴉娟娟西風吹總幃石馬嘶烟金蠶飛宮中柳樹已能老塞上王孫猶未歸寒星閃閃芒角青黃蘆白草天四沉骷髏深夜作人語恨血入土飛碧燐羊燈無焰冷玉缸酸風微撲青瑣窗棠梨花開芙蓉死三十六宮秋月黃去年太液采蘭菖今年零落生蘆蒿靈和殿前千絲柳更無宮人鬪舞腰

美 權

任 公

宜春苑中飛螢過。建章宮裏張雀羅。美人衣薄秋露冷。驚沙窸窣吹女蘿。

春日感懷

荷 菴

五載風霜飄泊身。飽經苦樂未尤人。春光浩蕩三山國。奇氣消磨十丈塵。儘有干戈悲弟妹。難將愁思付江濱。當街柳色新如許。惆悵無端悟後因。

和有情子感事詩次章步韻

同

黃塵瀕洞悲無着。萬慮飛揚恨未空。撇眼看雲總是夢。苦心憂國計難工。銅駝那識荆榛慘。麥秀誰憐烈士忠。橫榻問天應厭亂。奇才何事不重逢。

天竺山居雜詩

明 夷

入春忽忽已三月。去國迢迢又四年。花樹怯寒尚含蕾。峯巒近暮總籠烟。中原萬里無消息。大壑千尋獨醉眠。且喜林園有餘地。更饒狂放繫秋千。雪峯天際正當門。曉望崑崙山最尊。孤卧柴床臨絕壑。頻穿竹徑過鄰園。垂藤礙帽時低首。落葉盈衣故不言。避地偏宜閑靜性。倦聽山市鬧聲喧。

憂患

有情子

冷眼癡心兩反成。千絲血縷劍無聲。非經憂患安能死。愧向優閒自討生。鬼國飄揚風變黑。人波吹起恨難平。區區小技非吾願。踏碎陰山萬馬橫。

國恥兩首

困齋

國恥當思三戰北。人才方駕一航東。孤身性命懸天外。萬族瘡痍在眼中。詩入滄溟摹地險。文窮山海鑿天空。他年興國知何恃。載筆乘槎為采風。胡來更亂三年別。當日論詩百尺樓。虎卧龍跳陵谷變。魚沈雁斷海天秋。東西文字俱千古。新舊人才各一邱。為據扶桑導先路。便從渤海下扁舟。

峭廬雨坐聊短述

神州袖手人

昨夜千山明月寒。晨起一椽過疏雨。牆頭綠竹青松林。猶覺風吟落蟲語。鄰舍炊煙雞犬鄉。鄰舍豎子鏡柄長。高樓了了讀書眼。死生獨坐涕淋浪。

蟻關

忘山居士

獨立閒階觀蟻關。忽傳雲海動旌旗。九州狼虎雄風在。一局樗蒲冷眼窺。國勢縱橫難豫測。天心殘酷不勝悲。請看用九羣龍日。便是人權戰勝時。

讀陸放翁集

任 公

詩界千年靡靡風。兵魂銷盡國魂空。集中什九從軍樂。亘古男儿一放翁。中國詩家無不言從軍者。惟放翁明為國殤。至老不衰。其言辜負胸中十萬兵。百無聊賴以詩鳴。誰憐愛國千行淚。說到胡塵意不平。放翁集中胡塵等字。凡十見。蓋南渡之音也。歎老嗟卑却未曾。胡放翁轉因貧病氣峻增。英雄學道當如此。笑爾儒冠怨杜陵。放翁集中只有誇老頌。其言

朝朝起作桐江釣。昔昔夢隨遼海塵。恨煞南朝道學盛。縛將奇士作詩人。宋南渡後愛國之士。欲以功名心提倡一世者。亦不少如陳龍

川葉水心等亦其人也。然道學盛行，掩襲天下士，皆命無生氣矣。一二人豈足以振之。

余作新書命說一作至長久之壽命保家人羣也

觀雲

未暇高言出世蓋為入世諸人破生死網也。篇後系詩數首。

目極寥天際。千秋事若何。與君期華嶽。慰子定風波。四海神靈合。雙凡日月多。香雲花雨裏。法界幾經過。脫却皮囊具。神奇信有之。招魂來帝子。養氣若嬰兒。魑魅何能祟。天龍亦自隨。華嚴諸世界。入境不須離。相逐寒天去。而無塵世緣。大星明處處。華鬢自年年。不信顏回死。從知太白仙。男兒無別事。忘莫著先鞭。何人不入死生海。無法能離纏縛門。我為眾生新說法。解人迷惑鬼煩冤。漫為高智說真如。指點人羣定啓予。我所莊嚴我所往。露地駕得白牛車。隨腦肝腸為國牲。不須萬派動哀鳴。崔巍銅像祇塵相。芥子金身偈大橫。入世我由乘願力。非關惑業墜人間。光明現相尋常事。祇馭天風一往還。

歷史

同

煌煌歷史間。祇有成敗倫。成者雖碌碌。尊之若鳳麟。敗者雖英雄。賤之若蠅蟲。最奇支那事。奇士多不春。影響及社會。民愚斯蠢蠢。後倖遭挫傷。得意類謹馴。緬想哥倫波。航海覓西坤。設令中道阻。亦為歐俗賤。有幸有不幸。天乎人乎并。吁嗟儒老墨。惆悵唐漢秦。教主與時君。思之動疑吟。奴界累千載。而不敢置論。偉哉成敗力。若雷霆萬鈞。吾儕持平等。尚論扶素因。一掃前民言。稱心自為衡。思欲翻史案。汗牛作秦楚。嗚呼吾史成。朝市尸其身。願願此鴻業。耿耿感于心。研鍊數千年。天葩紛分。一卷奇人傳。持以福吾民。

辛丑歲暮雜感

虬庵

黃金虛耗苦蹉跎。人海浮沉感逝波。並世頗憐才士少。傷心應比古人多。鵬搏暫息培風翼。駒過原無返日戈。休歎盛年處房室。明朝鬚髮向陽阿。猛憶西歐前世紀。民權勃舉鬱雲雷。風潮東簸羣雄出。河嶽中原兩界開。戎禍早聞江統論。漢廷空老賈生才。昆明池裏多餘燼。應有胡僧話劫灰。紛紛幾輩自清流。豎子英雄貉一邱。壯志未忘閩佩瑩。他鄉怕上仲宣樓。故應蹈海羞秦帝。似說中朝泣楚囚。滿目山河風景異。浮雲西北望神州。興亡與有匹夫責。溫飽原非志士心。鷹未下韝思一擊。駭雖市骨值千金。劇憐座上焦頭客。誰識隆中抱膝吟。三十功名應未老。黑頭不受二毛侵。霜華壓瓦怯嚴寒。百草披離歲向闌。萬里江關羈庾信。漫天風雪卧袁安。繞枝自笑南飛鶴。對鏡還悲獨舞鸞。最是少陵懷弟妹。故鄉燈火夢團圓。

某君得官感賦

六榕客

草草斜封墨未乾。向隅今得滿堂歡。喧傳文字美新頌。頗識威儀舊漢官。飽死侏儒才斗粟。登場優孟好衣冠。羊頭羊胃君休笑。難得將軍禮數寬。

酬蔣觀雲

劍公

一佛居然出世來。現身說法講堂開。阮狂賈哭歸憂國。虎跳龍爭識異才。惠我札書珍白璧。感君琴劍老

黃埃風濤廿紀蒼生厄。援手齊登大舞臺。  
總姑著耳大嘈嘈。風雨難鳴氣自豪。變舊姓名脫張祿。君名賜創新哲學偉盧騷。乾坤浩氣期撐住。滄海橫流誓挽牢。他日相逢無物贈。風塵擬解慕容刀。  
白雪陽春和者稀。茫茫我道竟安歸。元黃血戰黑龍死。魑魅窺人白日微。蒿目衆魚游釜泣。驚心一鷄背天飛。蛙居井底私憐惜。無限飛揚願屢違。  
總緣腸熱痛聯俄。淚濕真丹破畫圖。敢說度人先度己。生當為俠不為儒。犧牲覺世書千冊。湖海論交酒百壺。特發狂言煩記取。男兒要鍊鐵頭顱。

暮春雜咏

十日不出戶。落花一尺深。笛聲何處來。妙哉此雅音。頓然澹我慮。白雲空古今。一切無礙法。一切無礙心。柳絮急飛雪。十萬狂風散。最怕斷人腸。遠望登樓嬾。為憂衆生苦。衣帶日以緩。區區方寸地。佛子已充滿。無思亦無慮。無著亦無住。爾許大自在。不自知其故。世界外世界。一朝神若過。笑對青燈說。汝即菩提樹。人生非木石。當作世光明。以太塞兩間。念念能出生。蚨蝶飛入室。繚繞若有情。捲簾放渠去。憐愛交相并。細讀華嚴經。始覺昔年誤。面壁參平等。焚香消外懼。虛室夜生白。明月窺我坐。圓鏡妙莊嚴。至理可以悟。慈悲是淨土。忍辱即道場。三界惟一心。是非本無常。靜言天下事。淚下何淋浪。我雖濕熱中。憂患安可忘。臨池觀遊魚。水深魚涵泳。魚遊水因緣。水流魚究竟。心垢衆生垢。心淨衆生淨。欲知此中意。須具菩提性。

贈任公

劍門病俠

國命今番逢不辰。交鄰變法兩無因。他年天地看新造。億兆同胞待此人。

贈觀雲

奔走江湖一客寒。苦心常愛濟時艱。願君漲此大願力。莫但區區文字間。

贈君遂

耿耿忠懷莫見明。封章不達拂衣行。欲將痛哭回天地。千古同心有賈生。

遠遊哀志士之去國也

若有人兮海之濱。朝嘗膽兮昔卧薪。大宛之馬九真麟。肉眼不識反生瞋。橫絕地維迄天垠。愈知吾國尚有人。滄海波翻血淚新。風雨如晦難嚮晨。吁嗟同胞無病呻。震雷驚破萬劫塵。海枯石爛磨精神。天生偉人自有真。歸來歸來海外身。旋乾轉坤雲雷屯。沈沈大陸一朝伸。仁人澤流被千春。

次明夷遊印度舍衛城訪佛蹟原韻

烏目山僧

王舍城中靈鷲山。珠宮貝闕昔周環。淒涼阿耨池頭月。猶照菩提古樹間。  
支那有士倡流血。印度無僧守布金。亞海風潮正澎湃。竺天密證涅槃心。  
露柱鐵遺三百四。骷髏金葬一蒙王。可蘭經篆繡苔蝕。斷碣橫陳夕照堂。  
伽耶聖蹟遭回處。華實競生詎有間。大教凌遲殫智種。鐵輪風轉浪翻山。  
顯奘希法東歸後。千載無儔西竺遊。第四今為龐父女。吟詩感愴石層樓。  
須彌萬里悲風起。塗毒聲沈獅吼堂。塔上一鈴斜照外。喃喃猶自語天荒。

仰昔世尊龍象地。撫今奴僕兔狐城。可憐晦昧無時覺。願碎虛空曠厥明。  
成住壞空原幻相。懸譚奧義示華嚴。恒河水水如如在。一鏡澄涵印塔尖。  
帝王基業一坏土。佛祖門庭千劫灰。法海頽波無計遏。洪濤堆裏首頻回。

送日本金城子東歸詩序

鄧向負

庚子以來日本人士踵來京師其賢豪傑彥余輒識之而好學多通篤愛其隣者金城子實第一金城子  
西氏名師意以大阪每日新聞特派員來京師善余友廉郎中惠卿主其家會余客京師獲與過從繼與  
常籍生廉惠卿用吳先生命設局所譯書得金城子來同居相得益懼今年春惠卿以憂世至疾棲息西  
山中金城子則下帷謝酬應曰中國民智稚耳誓掘腎肝著書二十種以開之曰英同盟後日本士流方  
植氣揚采睡中國若不屑金城子乃撰述益奮思為蘇絕學納新理無論其所就願力之篤已使我心折  
焉矣書成大學義疏等僅四種忽若有不自得謂成就不副所期崎行亦不見許於其曹營營處此終不  
可則於陽曆某日道天津東歸留之不聽金城子稍介居京師簡交游王公大人之筵飲無所與故於其  
去也僅余與籍生以尊酒餞又以金城子喜文學各贖之以詩嗟夫兩歲以來上自宮廷下之士庶警於  
排拒之覆轍款洽外人遠異曠昨酒醴之會玉帛之饋遺比日而相望盛哉盛哉夫豈意有篤愛吾國之  
金城子其歸國乃寂然無祖餞之繁乎有之亦僅一二書生以數言片紙為投贈乎此亦事之奇而可紀  
者已籍生詩無副不及錄錄余詩題曰蹉跎行  
蹉跎復蹉跎。我生亞洲陸。君生黃海阿。風潮鞞鞞若有意。迫君跨海來相過。君愛支那似愛我。著書誓為

蘇沉痾。我才不比志亦爾。時將封堽追岷嶺。一朝謝我道歸去。自云壯想成銷磨。我聞太息惜同病。舉國  
欲殺真盧梭。不挈妻孥闕卿去。飄搖京雒終如何。此語雖然意未忍。狂辭更進君休呵。過來龍曹意向頗  
西海不競東海波。黃人冥睡一開眼。孤舟絕纜乘盤過。吾生際此要羸猛。不然一擲肥魚置。直須放膽振  
天命。輩流夸毀甯足科。聽我狂言意應解。餞君有酒顏須醜。齊烟欲疏日蕭颯。蓬島不見雲嵯峨。它日太  
平洋上更相值。共飽鯨膾嘗暮曙。

聞吾鄉太守得官喜而成此某學使亦同時被薦而榮辱各殊有命也

樓公

少年藉甚蓬山譽。海內爭傳有誦書。起廢幾人誇異數。求仲終竟荷真除。抗顏尚憶經師貴。屈膝常寬禮  
節疏。十載主賓懷舊念。也應重食武昌魚。  
王祭才名亦絕塵。荊州薦剡墨猶新。使槎落日長浮漢。匹馬西風更入秦。銜鑿舊看持玉尺。馳驅今見返  
征輪。却憐悵悵依劉歎。不及梁園實要津。

感事 庚子舊作

蛻庵

曠曠三年陰翳日。密雲不雨自西郊。聖軍未決晉徽戰。黨禍驚聞瓜蔓抄。天動殺機龍戰野。春殘阿閣鳳  
辭巢。美新文字人傳誦。卻有揚雄善解嘲。  
塵城雲黑未全消。鷺鷥悲鳴多寂寥。天子並雄稱日出。匈奴自古倚天驕。微聞黃禍鋤非種。且為蒼生賦  
大招。棄卻珠崖罷西域。茂陵風雨夜蕭蕭。

東蔣觀雲先生

楚青

與君一樣滄桑感。世事艱虞祇黯傷。東亞風潮千丈落。北溟烟瘴八荒囊。虎狼一任捕腸胃。燕雀依然覓  
福梁。大陸愁雲哀慘淡。况聞禍變起蕭牆。

弔袁太常

楚青

欲排閻閻奪天門。剖取丹心奉至尊。縱使斷頭難再續。試看吾舌固猶存。批鱗竟觸權臣忌。流血空酬國  
士恩。地下願從龍比去。留將公罪後人論。

劫灰夢傳奇題詞

楚青

沈沈大陸三千載。黯黯愁雲一萬重。無量恒河無量劫。是誰先到妙高峯。  
我公慧舌吐金蓮。信手拈來盡妙詮。議種菩提參結果。願身普度出天人。

久思

觀雲

久思詞筆換兜鍪。浩蕩雄姿不可收。地覆天翻文字海。可能歌哭挽神州。

讀新民叢報感而作歌

在宥民

歐濱一士空山居。朝朝局促困書帷。忽從海外得鴻秘。腦球境界頗發舒。有時徘徊起立疾。拔屣驚然狂  
走周旋數十圍。思想自由入非非。忽躍九天忽蟄九淵。腦電飛。有時放眼碧海窮尾閭。潮來潮去洪鈞大  
氣相吸。噓曉日初出夜月湧。丈夫對此生雄圖。嗚呼丈夫對此生雄圖。安得適彼扶桑之帝都。觀政求學  
出其途。嗟余之生。燥髮即受書。至今八千六百四十日有餘。讀書何為思之。每汗雨。未能跳出學界奴  
隸之範圍。住者已矣。來可追。誓將改良。分易轡而驅。况值二十新紀。世界文明進一級。全球變動風靡潮

湧雲奔馳。自歐而墨而亞九萬里。大地之運一躍再躍乃東逸。起點崑崙極禹域。招國魂兮渡太平洋而  
來歸。文明膨脹塞宙台。輸入我華國漸蘇。東方頑夢大棒唱。老大已轉少年時。吾生幸福大且奇。不先不  
後恰置身二十世紀之初。期文明母國支那東南之海濱。既自喜又自疑。喜我腦筋之中。日日湧新。知開  
關心球理想古無之。生平讀書枉千卷。何如一篇餉我神魂飛。乃想古來學界之士。如煙海紛紛孔見不  
足供。胡盧陸王黃顏亦傑出。鳳毛麟角無乃稀。其餘漢學宋學清學書充棟。盤旋奴界寸步不敢踰。世界  
思潮至此忽大變。衝突網羅決籜籬。犁庭掃穴爭倡大革命。打破學界奴性獨立而不羈。疑我腦筋之  
漿已漸瀉。輸入文明思想微乎微。童年腦力初發達。誤被神經斷文詞。生平所學亦何事。壁陰虛擲悔已  
遲。又况世界文明愈進學愈演。一切專門科學之多如鯽魚。我披其書。瞠目視。腦印迷離歧路歧。措大之  
家青甌更何物。年年承之此席殊可嗤。橫經北面擁皋比。張頤欲語忽噤嚙。嗟乎普通學之未窺。豫備科  
之弗知。而乃靦然抗顏高坐為人師。失之東隅收桑榆。吾將舍此兮。張頤欲語忽噤嚙。嗟乎普通學之未窺。豫備科  
帝都。一扶桑之都大好一廬居。乘風破浪士爭趨。談瀛海客興不淺。紛紛東渡有如赴壑魚。吾聞海東帝  
國崛起方州載。驥首天空獨立雄亞輿。吸取歐西文明食而化。豈徒區區形質相規摩。帝國黃民此特立。  
奴性銷為日月輝。組織教育有特色。學校如錦士如茶。又聞留東諸公皆血士。數千里外客星聚一隅。咄  
哉桃源遊地別有新世界。文明海國古所無。鐵血未寒心不死。自由獨立喚起國民奴。我讀其篇語咽絕。  
血淚盈簡兩模糊。徘徊出戶東望長歎歎。何時置身三島相追隨。胸中萬千塊壘突兀起。濁酒一斗不足  
以澆之。吾欲如宗元幹兮破浪。吾欲如溫太真兮絕裾。思之思之計已熟。及今圖之猶可為。不行萬里非

丈夫鬱鬱居此胡為乎。海雲極目東渺渺。潮聲到耳如相呼。嗚呼安得適彼扶桑之帝都。

物我吟八首

慧雲

自由思想出天。水灑楊枝遍大千。驂駕春此被明月。人生何處不神仙。  
萬山原仗五丁開。習勇雙修地獄來。色即是空空是色。真光炯炯現靈臺。  
酒酣起舞寶刀橫。航海誰同萬里行。鸞寫鳳凰日以遠。獨居無樂哀吾生。  
恒河沙數可憐蟲。鼓鑄齊歸大冶中。絕去惡根培善本。重仁襲義最從容。  
腦筋發達即奇兵。東亞全圖繪不成。誰與芳洲牽杜若。悠悠白日太無情。  
夫君天末渺難望。眼水沈沈似帶長。空憲化茅蘭正變。枉稱香草了無香。  
寸心神妙早乾坤。灌滋靈苗剋鈍根。夢裡忽然生六翮。扶搖任意上崑崙。  
水中花月鏡中春。人世緣同出世因。獨救眾生排一切。無真非幻非真。

辛丑中元鷄泊海上望月有懷南中諸君子

金楚青

望美人兮天一方。長相思兮不能忘。欲往從之道阻長。舉頭望月思故鄉。  
雲漢迢迢遙相望。恨不乘雲任翱翔。側身四顧何蒼茫。百端交集我心傷。愧彼鴻鵠摩霄蒼。乃爾燕雀謀稻粱。  
願飛無翼渡無梁。夜光朗朗照乘黃。按劍疾視叱不祥。行歧路嗟亡羊。古今哀樂夢一場。酣睡沈沈夜未央。  
蕭艾不臭蘭不芳。鴉鵲翼逐鸞凰。九天閭闔試引吭。請與濁世掃秕糠。手挽銀河洗櫬槍。沐日浴月慶重光。此心耿耿何時償。

北行感興五首之一

鄭齋

淮陰古名郡。長堤如蜿蜒。漂母不可見。遺塚留荒阡。頗聞今太守。仁愛民稱賢。  
風好泊不得。榜人爭向前。豈知十里外。關吏呼停船。船空百無有。有無皆索錢。橫征乃如此。商旅殊可憐。  
何不去關吏。太守嗟無權。

全

翩翩飛鳥過。日暮投深林。續紛浮雲流。隨風歸故岑。遠遊在天末。感此傷我心。  
還家香無日。骨肉如商參。徘徊不能語。泣下沾衣襟。

庚子秋興八首之二

全

鸞輅蒙塵虎節斜。不堪回首望京華。生令章蔡拋忠骨。猶許張騫返漢槎。  
海內紛紛傳羽檄。城頭歷歷作胡笳。長門寂寞宮人去。秋雨秋風長蕪花。  
登高忍看舊河山。趙漢旌旗一瞬間。乍報乘輿過隴水。忽傳敵騎下秦關。  
相公議款真能手。諸將蒙恩亦厚顏。寥落從臣三五輩。傷心猶自序朝班。

春日信步過陶文毅公祠偶題

全

東風吹不到。海國得春遲。二月無芳草。何時見柳枝。長堤宜散步。曲水護崇祠。  
各有千秋業。欣看鬢未絲。

烏目山僧

千飛垂股哲人夷。正法爭傳有大師。一移寶相祇樹下。大乘獅吼中興時。  
衛城清磬送斜陽。曾剖心肝奉素王。身毒烟雲通震旦。鸞峯頭上涕淋漓。



贈任公

洗刷乾坤字字新。携來霹靂剖微塵。九幽故國生魂死。一放光明賴有人。筆退須彌一塚橫。海波為墨血磨乾。歐風墨雨隨君手。洗盡文明眾腦肝。

贈觀雲

怪雲幻海渺無涯。夜剎羅叉鬥角牙。獨住無生法忍地。自耽芳逸弄天葩。

贈太炎

神州莽莽事堪傷。浪藉家私贖客王。斷髮著書黃歇浦。哭麟歌鳳豈佯狂。

贈君遂

朱雲血棒韓公唱。震觸天庭鐵石人。簾影沈垂風雨晦。青門瓜事老松濱。

六哀詩

戊戌之秋。維新啟難。竟臺幽囚。鈎黨起獄。四新參楊。銳叔嶠。劉光第。裴村。譚嗣同。復生。林旭。歐谷。御史楊深秀。滿川。及季弟廣仁。幼博不識。遂戕天下。冤之海外。志士至歲為設祭。停工持服。蓋中國新舊存亡所關也。六烈士者。非亡人之友。生弟子。則亡人之肺腑骨肉。流離絕域。嘔血痛心。兩年執筆。哀不成文。辛丑八月十三日。奠酒于檳榔嶼絕頂。成五烈士詩。海波湧起。愁風颭來。哀紀亡弟。卒不成聲。蓋三年矣。須後補成之。

山西楊夫子。霜毛整羽鶴。神童擢且秀。大師領晉鐸。琨玉照蒼昊。勁翮刷秋鷲。嗜加癖鄙言。論學起獄獄。

瑣碎蒼雅。繁無傳注。博山經與地志。佛典共史略。繁徵舉其詞。一字無遺落。吾能張其軍。見公生畏卻。

尤能舉大義。行已無愧怍。清絕冠臺官。子病無醫藥。趨朝報債車。賣文乃款客。時經膠旅警。慘憂同疢瘧。

旦夕論維新。密勿頻論駁。首請聯英日。次請拒俄約。繼言廢八股。譯書遣遊學。涕泣請下詔。大變決一躍。

御門警羣臣。開局議制作。聖主感誠切。大號昭渙若。四月變法詔。永永新中國。大早沛甘露。羣生起怵樂。

奇功動日月。衛尊共斟酌。大蛇臥當道。神鷹擊一攫。憂甚武嬰禍。惜無東之略。忽警神堯囚。赫矣金輪虐。

黨禍結愁雲。盈廷瘡若縛。抗章請撤簾。碧血飛噴薄。董軍密入京。蕭蕭八月朔。吾時奉詔行。公來告氛惡。

揮手作死別。吾擬委溝壑。豈知痛稽生。淒絕山陽笛。昔謁椒山宅。遺像瞻瓜剖。見公通通驚。骨鯁貌何若。

故知是化人。來為救世託。雖慘柴市刑。能梳權奸魄。大鳥還故鄉。剛毅死猶赫。

右楊公深秀

岷岷氣悽愴。精英起肅肅。楊君抱粹姿。温温潤如玉。學問窈淵懿。神體窺渾穆。史學尤精研。晉書手注錄。

久遊諸公間。京華推名宿。謹密無少洩。謙讓似不足。平生憂國意。慨歎眉眉蹙。代草諸公疏。補救強踈踈。

與我志意同。過從議論熟。公車始上書。號召君鞠鞠。繼乃會強學。君肯同開局。豺虎磨牙食。羣士皆退縮。

君首爭署名。抗章聽誅戮。膠事吾去國。君走為推轂。後開保國會。被劫君猶睦。始疑謹厚姿。頗慮弱不足。

豈知百鍊金。光芒深韜蓄。學術本少殊。行事乃相服。益知君子心。憂國至誠篤。聖心善鑒拔。大器備令僕。

參政十七日。玄黃遭痛毒。帝座竟傾闕。衣帶密傳讀。上言憂中國。變法救危辱。下言觸慈怒。大位將傾覆。

設法籌營救。焦灼企望速。君密傳同志。失聲咸痛哭。顛危竟不救。萬死罪莫贖。董承以反誅。千秋傷冤獄。

右楊君銳

我不識裴村。裴村能救我。署奏拒鷹鷂。心感報無所。昔開保國會。千丈松磊砢。糶糊一握手。未得親右左。君言讀我書。傾倒亦已頗。故人多石交。下石一何夥。故知交在神。面交多坎阻。京華聲利海。十年潛默坐。謝華學獨幼。寡交足頽裏。閉門陳正字。直節無撓柯。小字作顏書。剛健少婀娜。研精舊史學。維新乃最果。聖上切旁求。陳撫薦自楚。新參一朝拔。得人四海賀。王相容盈門。不投一刺過。密勿贊新猷。氣象皆駁賦。改元設參謀。明堂燦藻火。訐謔私畫策。君莫不畫可。奪門忽聞變。投獄無少解。竟從龍比遊。哀哉呂武哥。人才付一燼。邦國嗟長鎖。吁嗟孔融子。覆巢卵同挫。側望蜀川雲。灑涕風悲楚。

右劉君光第

復生奇男子。神劍吐光瑩。長虹亘白日。紫淵捲蒼溟。足跡徧西域。抵掌好談兵。橫厲志無前。虛公心能平。才明挺峻特。涉獵得其榮。子學無不窺。海涵而淵滄。文詞發現怪。火齊雜水晶。孤孽既備嘗。德慧更耀靈。偏探異氏奧。遽從筐頰傾。歸心服大雄。悲智能長惺。聞吾談春秋。三世志太平。其道終于仁。乃服孔教精。貫串中外學。開通治教程。奇闢破宜奧。華妙啟化城。大哉仁學書。勅宰天為驚。金翅未大鵬。溟海擊長鯨。巨力擎燭龍。雷霆吼大聲。吾道有譚生。大地放光明。師師陳義甯。撫楚救黎蒸。變法與民權。新政百務興。相楚多奇材。君實主其盟。大開南學會。十萬萃才英。新法丕橋變。舊俗滌以清。聖主發維新。賢哲應求徵。奉詔來京師。翔鳳集紫庭。宣室前席問。帝心特簡膺。有命參新政。超階列羣卿。向以天下任。益為救國楨。旅吾南海館。緯繆夜不甯。首商尊君權。次商救民萌。條理皆閤合。次第擬推行。煌煌十七日。新政煥庚庚。

大猷未及告。奇變怒已形。夜帶忽飛傳。痛哭發精誠。大床方卧疾。揮涕起結纓。自任救聖主。揮吾出神京。橫刀說袁紹。慷慨氣填膺。奇計仗義俠。惜哉皆不成。神堯逐幽囚。王母宴飛瓊。變騎捕黨人。黑雲散冥冥。吾時將蹈海。欲救無可營。東國哀良臣。援拯與東征。上言念聖主。下言念先生。兩者皆已矣。誓死延待刑。慷慨厲氣猛。從容就義輕。竟無三字獄。遂以誅董承。殺魄請于天。神旗化長星。

右譚君嗣同

瞰谷挺天秀。鬢年富文史。波瀾盡老成。清妙紆綵綺。文辭有漢聲。詩詞得宋體。下筆摩著宿。十八冠卿舉。弱冠游京師。名聲馳鶴起。王粲詣蔡邕。陸機入洛泐。一時譽奇材。公卿為倒屣。折節不自足。來問春秋旨。商榷三世義。講求維新理。論才薦大科。文章用處士。奏對稱師說。變法陳古始。前席承宣室。參政贊彤几。經論謨密勿。彰顯難述紀。頗聞罪已詔。敬輿筆所擬。至今感人心。普天思聖主。蕭牆難既作。堯臺因莫弭。宸衷願從容。眷惜微臣死。密詔促出行。緣汝籍弟子。造膝近御座。衣帶傳密旨。捧詔相抱泣。報國同誓死。惆悵吾去國。綢繆汝救主。倉黃解玉璽。蕭颯走隄騎。非無西人哀。援手為救止。慷慨乃捐軀。投身赴大理。嗚呼長宏血。三年碧不止。娟娟沈公孫。令德儼才壻。竟作墜樓人。長咽秦淮水。晚翠自名軒。完節無愧此。每見青琅玕。傷心淚滿滿。人間廿四年。英名滿天地。

右林君旭

遊中印度訪佛迹。至迦維衛大城。印音名摩利。當是迦維衛之轉。偏訪無之。守博物院人曰。佛是支那來者。登山頂塔而望。東西南北人家各三十里。氣象可驚。等子倫敦感愴。信譽激刺深。

靈鷲峯高王舍城。塔樓百里樹烟橫。迎維行徧無佛跡。但見恒河落日明。  
金維城中問浮屠。人言東來自支那。而今象法真寂滅。世界億劫到婆娑。  
成住原知皆幻相。願驚大教壞而空。區區國土更何物。得失真如雷夢中。

矣

明 夷

度遼將軍歌

人境廬主人

聞鷄夜半投袂起。檄告東人我來矣。此行領取萬戶侯。豈謂區區不余昇。將軍慷慨來度遼。飛鞭躍馬誇人豪。平時蒐集得漢印。今作將印懸在腰。將軍鄉者曾乘傳。高下句驪蹤迹徧。銅柱銘功白馬盟。鄰國傳聞猶膽顫。自從弭節駐雞林。所部精兵皆百鍊。人言骨相應封侯。恨不遇時逢一戰。雄關魏城高插天。雪花如掌春風顛。歲朝大會召諸將。銅爐銀燭圍紅氈。酒酣舉白再行酒。拔刀親割生彘肩。自言平生習鎗法。鍊目鍊臂十五年。目光紫電閃不動。袒臂示容如鍊堅。淮河將帥巾幗耳。蕭娘李姥殊可憐。看余上馬快殺賊。左盤右辟誰當前。鴨綠之江碧蹄館。坐令萬里銷鋒烟。坐中黃曾大手筆。為我勒碑銘燕然。么麼鼠子乃敢爾。是何雞狗何蟲豸。會逢天幸遽貪功。它它籍籍來赴死。能降免死跪此牌。敢抗顏行聊一試。待彼三戰三北餘。試我七縱七擒計。兩軍相接戰甫交。紛紛鳥散空營逃。棄冠脫劍無人惜。只幸腰間印未失。將軍終是察吏才。湘中一官復歸來。八千子弟半摧折。白衣迎拜悲風哀。幕僚部卒皆雲散。將軍歸來猶善飯。平章古玉圖鼎鐘。搜篋價猶值千萬。聞道銅山東向傾。願以區區當芹獻。藉充歲幣少補償。毀家報國臣所願。燕雲北望憂憤多。時出漢印三摩抄。忽憶遼東浪死歌。印兮印兮奈汝何。

長江

觀 雲

出水鱗鱗萬斛來。露英德法費疑猜。我來旗問黃龍影。窺瀾江天颯幾回。  
密士失必與厄羅。比較安流兩若何。天賜黃民功德水。神州失用悔蹉跎。  
莊嚴兩岸好青山。渾黃日夜流其間。一盞一屋皆都會。戰伐千秋未肯閑。  
快蟹長龍舊有名。魚雷水雷戰魂驚。金甌大陸無纖缺。天塹先須十萬兵。  
一隊貔貅水上雄。直控南北銷西東。黃民鬪敗白民入。夢醒河山破碎中。  
長天一縷繞蒼煙。初過前山汽笛船。蓬背檣聲真太古。眼中風物幾千年。  
黃河唬猛江流靜。南國風華北國粗。兩戒文明相代謝。瀟漫一水是醍醐。  
輪舶一鐘三十里。飛度金焦赤壁秋。漫說瞿唐是天險。下游城郭動邊愁。  
晚風西樂出兵輪。灰白船身水色混。自是兵謀翻主客。不關兩岸有風塵。  
航路牽連若網絲。觀觀碧眼曹胡兒。佛蘭金仙長酣卧。起舞張牙可有時。

壬寅八月住遊金陵書懷

觀 雲

天塹兵輪萬國來。長江鎖鑰已全灰。蜀煤楚冶通新道。俄鷲英獅儼舞臺。戰伐遺民習奴性。衰殘大帥豈長才。東南我欲論形勢。腦部可能傍將峨。

秋感四律

烏目山僧

霜點頭顱鬢漸疏。袖雲歌浦慰窮居。懷人風雨三洲外。小病肝腸九月初。每對江山悲壞劫。長憐島國著

新書昨宵暗度文明海。元化悠悠夢裏舒。

安禪人世亦天堂。悲智無由遣熱腸。慘劇沈沈枯萬骨。大雄耿耿刺千瘡。人才終古遺麟鳳。民教於今闕

虎狼。太息倚天無利劍。削平造化鑄蒼蒼。

潮喧大陸浪花騰。未許譚空演上乘。絕頂吳山誰立馬。秋高漢水且呼鷹。雲黃日落暝煙積。地赤人稠海

氣蒸。解道滄桑身外劫。不應腦界有山僧。

瓊宇高寒問太清。風潮廿紀陣雲橫。盟鷗水冷心猶熱。捫蝨山空氣未平。四戰中原誰上將。五洲鼙鼓孰

弭兵。劇憐瘦骨嶙峋况。照眼黃花淚點盈。

庚子圍城中雜感

鄒崖通者

六甲亥符下紫清。宣和北伐太無名。蠻煙瘴雨臨江府。揚許落日青燐五國城。七月十七日議西狩徐桐

機隔正以秋。難他日。西安翰首猶有死社稷。語何擬。不廷臣之憤。海外文章成黨錮。憲祿也淮南方伎

好談兵。玉津園外刀如雪。碧血滂沱入敵營。

謔謔任廟委煨塵。景教西行記大秦。兩戒河山仍黑劫。一朝忠義屬黃巾。翠微遺句悲誅錯。史墨名言憶

降華。不為早荒甯有此。燕雲赤地盡飢民。不兩至

翠華聞道出居庸。河嶽風雲護六龍。首借萬家燕市馬。觚棱一點薊門烽。淒涼夜半滹沱粥。寥落秋深景

運鐘。宰相新充祈請使。都堂談笑酒千鍾。九門夜呼燒香滅鬼早知銅狄淚。況有杜鵑聲。四月十三上海白晝晦不見人

三輔纏妖氣。焚香夜數驚。子陰氣森森畏人

山燒香凍。死數十人。旌葛知它白。若華歎鮮生。十齡黃口小。寄食固安城。况吾分也。不可復先人。無後。十萬橫磨劍

神鋒恨倒持。竟成鸛鶴譏。應誦鶴鶴詩。帝子洲何許。王孫哀已遲。開元太平日。樂譜誦龜茲。龜其

作事使人疑。將軍乃死之。成謬士罪臣同馬。謾朝論比劉。稀但使心如冰。終當草裏屍。健兒分水嶺。舊

墨岷秋興

武庫震飛雉。津軍械南漕又斷糧。聯軍佔犒師三寸舌。袁許籌國半間堂。頗憶東瀛戰三月詔二十一廿

昔時樽俎地。夜夜起風雷。枉殺回圖使。中興宿羽臺。三河風鶴警。八月斗檣迴。止戰唯宸斷。文華鎖殿開。

軍中鈔大響。賊前論孝經。尊嚴當悻悻。徐桐。妖孽甯冥冥。信盜事容有。交鄰理無徵。五洲夸誕耳。鄰

行無稽聽。徐桐

亦有棄官逃。欄街禽二毛。時稱漢奸衣冠牛馬賤。風雨鼠狐號。焚戍南飛鵲。回空下瀨漕。翰林御迷窳

落葉懸脂井。秋心似輓轡。風鈴驚露索。月影吠狙奴。聯軍封鎖乾清門約不得擅入靈夢猜鸚鵡。芳思訢

鷓鴣啼。妝倭髻。亂心事。託禱蒲。

螿手弄蜂毒。流言起懿親。浮言洶洶燒城唯赤舌。保國有金輪。白馬歸藩第。八月初七聯軍派青鸞問使

臣。荃蓀芳可佩。未敢怨靈均。

變姓神仙尉。京朝官皆撤秋風擯鼻禪。鞞答同皂隸。搜括到雞豚。花木荒裝豔。文章惜謝壘。西華珠玉盡。

勳舊幾家存

支頤疑夢幻竹屋漏秋燈胆破新亡鬼魔纏入定僧胡風吹倦羽落月曬枯藤欲睡不成醉銀瓶酒已冰  
三百年天下安危在此行珊瑚肥有懷唯國難未敢惜身名倉卒開邊覺艱虞屬老成一生和戰事功罪  
後人評

歷歷圖明劫滄桑四十年黃楊逢厄閏賦不稠八土木化雲煙尚憶開皇寺俄成主客筵圖明之役三禮  
部西園今宿草總恭瞻望益潸然

番客篇

人境廬主人

山雞愛舞鏡海燕貪棲梁眾鳥各自飛無處無鴛鴦今日大富人新賦新婚行插門桃柳枝葉葉何相當  
垂紅結綵毬緋緋數尺長上書大夫策照曜門楣光中庭壽星相新筵供中央隱囊班絲細坐褥棋局方  
兩旁螺鈿椅有如兩翼張丹楹綴錦聯掩映嬌粉牆某某再拜賀其語多吉祥中懸剝風板動搖時低昂  
偏地紅藤簾潑眼先生涼地隔襯菟白水紋鋪流黃冰凍冰竹綠簾內藏合懽林鑲花福壽字點畫皆銀鑲  
蚊幃挂碧綃犀毘堆紅箱旁室銅深盆滿儲七香湯四壁垂流蘇碎鏡隨風颺華燈千百枝偏繞曲曲廊  
庭下眾樂人西樂尤鏗鏘高張梵字譜指揮抑復揚斧口銅洞簫虛哨吹如簧此乃故鄉音過耳音難忘  
蕃樂細腰鼓手拍聲鏗鏘喇叭與畢栗驟聽似無腔諸樂雜沓作引客來登堂白人翠婦來手携花盈筐  
鼻端撐眼鏡碧眼深汪汪裏頭波斯胡貪飲如渴羌蠻蠻巫來由肉袒親牽羊餘皆閩越人到此均同鄉  
嬉嬉婦女笑入門道勝常番身與漢身均學時世妝塗身百花露影過壁亦香洗面去丹粉露足非白霜

當胸黃亞姑作作騰光芒沓沓靴履聲偕來每雙雙紅男并綠女个个明月璫卑衫縷白疊尖履拖紅幫  
垂垂赤靈符灑灑緋交禧一冠擯百寶論價難為償簇新好裝束爭來看新郎頭上珊瑚頂碎片將玉環  
背後紅絲條交綉成文章新製紺綾鞋衣補亦寶裝平頭鸞頂軟學步工趨踰今行親迎禮吉日復良辰  
前導青羅繼後引絳節憧憧駕車四駟馬一色紫絲繡薄紗宮樣燈白晝照路旁海笛和雲鐺八鸞鳴瓊瑤  
帕首立侯人白鷺遙相望到門爆竹聲群童喜欲狂兩三戴花媪捧出新嫁娘舉手露約指如粟真金剛  
一環五百萬兩環千萬強腰懸同心鏡襯以紫荷囊藍金作綵帶旋繞九迴腸上下籠統衫強分名衣裳  
平生不著靴今段破天荒明珠編成履千緋當絲鑲車輪曳踵行蠻婢相扶將丹書懸紅紙麒麟與鳳皇  
一雙龍紋燭華燄光煌煌第一拜天地第二禮尊俎後復交互拜于飛燕頤頤其他學檢祗事事容儀莊  
拍手齊懼呼相送入洞房此時蕭鼓聲已聞歌繡繡點心嚼月餅釘座堆水糖啖燕過燕尾剖瓜餘瓜瓢  
流連與波羅爭以果為糧赤足絡繹來大盤薦膾膾穿花串魚鮮薄紙批牛肋今日良宴會使我攢眉嘗  
食物十八品強半和椒薑引手各搏飯有杭有黃梁蒲桃百瓶酒破碎用斗量呼么復喝六拇戰聲琅琅  
頗黎小海鷗舉白累十觴既醉又飽腹出看戲舞場影戲紛牽絲幻人巧尋撞藍衫調鮫老玉瞳輝文康  
躡鞦肩背飛迅若鷲鳧翔白打唱迴波引杖相擊撞金吾今弛禁賭錢亦無妨初投陞官圖意取富貴昌  
意錢十數人相聚捉迷藏到手十貫索罔利各善防名為葉子戲均為錢神忙醉呼解醒酒渴取水齒漿  
飲酪揀灌頂烹茶試頭綱吹烟出菸葉消食分檳榔舊藏淡巴菴其味如唐唐傾壺挑鼻烟來自大西洋  
一燈阿芙蓉吹氣何芬芳分光然石油次第揮銀缸入夜有大戲語客留倘伴行坐紛聚散笑譁呼汝印

中一絲髮。就我深淺商。指問座上客。脚色能具詳。上頭衣白人。海漁業打漿。大風吹南來。布帆幸無恙。初操牛頭船。傍岸走近港。今有數十輪。大海恣來往。銀多恐飛去。龍圖東萬縷。多年甲必丹。早推蠻夷長。左邊黑色兒。乃翁久開礦。寶山空手回。失得不足償。忽然見斗錫。真乃無盡藏。有如窮秀才。得意挂金榜。沈沈積青曹。未知若干文。百萬一紫標。多少聚錢。錫鼻土色人。此乃吾鄉黨。南方宜州本。所種盡沃壤。椰子樹千行。丁香花四放。豆蔻與胡椒。歲歲收豐穰。一畝值十鍾。往往過所望。擔糞縱餘具。牛馬用谷量。利市得三倍。何異承天賦。石生團團面。實具富者相。初來雖也無。此地甫草創。海旁占一席。露處開榛莽。蜃氣噓樓臺。漸次鏤。嶺嶺黃金准。土價今竟成閭巷。有如千戶侯。裂地稱霸王。善知服食方。百味作供養。聞有小妻三。輪流搔背癢。長頸獼猴面。此物信巨賈。自從縛馬足。到處設魚網。夥頭典衣庫。值十不一當。一飲生訟獄。誰敢傾家贖。自煎罌粟膏。載土從芒碭。鷄泊竊更驚。顛倒多奇想。搜索徧筐篋。推敲到盆盎。龍斷兼雁鼎。巧奪等劫掠。積錢千百萬。適足供送葬。君看末座客。揮扇氣抗爽。此人巧心計。自負如葛亮。千里封鮮羹。絕域通枸醬。積着與均輸。洞悉萬物狀。錦繡離雲爵。妙能揣時尚。長袖善新舞。胡蘆棄舊樣。千帆復萬箱。百貨來交廣。遂與西域賈。逐利爭衰旺。即今論家貴。問富過中上。凡我化外人。從來奉正朔。披衣襟在胸。剃髮辮垂索。是皆滿洲裝。何曾愛服着。初生設湯餅。及死備棺槨。祀神燭四照。宴賓酒三酌。凡百喪祭禮。高曾傳矩矱。風水講龍砂。卦卜用龜灼。相法學麻衣。推命本碣禮。俗概從同口。述僅大略。千金中人產。咸欲得封爵。今年燕晉機。捐輸踴躍躍。湖從華海來。大抵出閩路。當我鼻祖初。無異五丁鑿。傳世六七葉。略如華覆。富貴歸故鄉。比騎揚州鶴。豈不念家山。無奈鄉人薄。一聞番客歸。搭囊直啟鑰。

西鄰方責言。東市又相斲。親戚恣欺凌。鬼神助咀嚼。曾有和蘭客。携歸百囊橐。眈眈虎視者。伸手不能攬。誣以通番罪。公然論首惡。國初海禁嚴。立意比驅鯨。借端累無辜。此事實大錯。事隔百餘年。聞之尚駭愕。誰肯跨海歸。走就烹人鑊。言此袂掩回。淚點已雨落。滿堂雜悲懼。環聽咸唯諾。到此氣慘傷。筋鼓歌不作。橐橐拍板聲。猶如痛呼。卷道咸通商。雖有分明的。流轉四方人。何曾一字著。堂堂天朝語。祇以供戲謔。譬彼猶太人。無國足安託。龍風苦無能。橐橐苦無角。同族敢異心。頗奈國勢弱。雖則有室家。一家付飄泊。倉頡鳥獸迹。竟似畏海若。一丁亦不識。况復操筆削。若論法慮字。此方實莊嚴。能通左行文。千人僅一鶚。此外回回經。等諸古渾噩。西人習南音。有譜比合樂。孩童亦能識。識則誇學博。識字亦安用。蕃漢兩葉卻。愚公傳子孫。癡絕誰能藥。不如無目人。引手薰捫摸。近來出洋眾。更如水赴壑。南洋數十島。到處便揀脚。他人殖民地。日見版圖廓。華民三百萬。反為叢毆雀。螟蛉不撫子。犬羊且無賴。比聞歐澳美。日將黃種虐。向來寄生民。注籍今各各。周官說保富。蕃地應設學。誰能招島民。回來就城郭。群携妻子歸。共唱太平樂。

詠西史

鄰崖通者

巴黎獅吼女英雄。英法馬加林第干戈報國功。獨有年年黃鶴怨。漢唐公主可憐蟲。楊女  
救世金人獨祭天。殺仇復鬼劇堪憐。腥風血雨耶穌墓。十字軍興百八年。禍也  
北兵珠目雪飛陰。彌加乞食荒山獨抱琴。紅白薔薇花落盡。宮門風雨畫沈沈。禍也  
苦是雅眠大教徒。露頭赤脚布衣相。跨驢踏破東球路。十字縱橫磔殺圖。概彼教堅若沈毅  
英蘭教典一家言。蠻語何如國語尊。英法北藍大日奈蚊脚蟹行相解識。藤竿手杖託軒軒。韻尊國語

鴻都曾有八羊郎海外聞開鸞更場。竅理手版靴頭半白腰。經欲渡大西洋官。

舊俗金牛在膜拜處。周妻何肉不妨禪。馬槽悟得空鸞旨海。十戒還將遍大千偶。

魯華宮闕劫灰殘。石柱蟠蚪大可汗。血肉橫飛油畫院。至今流涕憶師丹賦。

旗槍茶百萬付東流。病渴虛全死不休。羨人華飲茶。花債白門營。繫索教人羞殺十三州債。

江山秀弱文章好。士女粗豪血稅多。希臘詩詞妙天下。至今故國黍離歌賦。

布衣東海雪肝腸。拔劍椎膺憤自妝其。血性男兒曾幾箇。黃金世界一悲場黑。

祭壇十二鬱嵯峨。山大。折鐵沈沙瘞馬坡。呼不。醉酒美人豪氣盡。驪山烽火照笙歌不。

懸軍深入亞尼河。雪窖天荒馬斃多。二十萬軍齊覆沒。更無人曉墨斯科賦。

將軍傳粉態。苗條標。面醜桃花泊雨消。若遇錦帆銀櫓隊埃。英雄兒女各魂銷傷。

葡萄販酒淡巴結。雙槳蘭橈夜盪湖。十五垂髫充閭諜美。月明竟幕有啼鳥仇。

紅雲大柱照迦南。緞甘露鷓鴣卓錫潭。醉到底不離神鬼事。天堂地獄日喃喃不。

黑衣太子白衣生。南北單于本一彊英。四百年來婚媾禍。風潮海峽血玄黃倚。

天草當年起義師。馬關慶島悔攘夷。燕雲十萬橫磨劍。此是神州鎖港期賦。

壬寅冬蔣觀雲先生住遊日本海上同志公餞江樓珍重贈言余乃作詩以誌別

烏目山僧

洪靈逼乾坤。剝削慘日窄。房州帝子愁。禹穴羣矢的。巨海渺洪波。扁舟當衝突。萬派競潮洶。地賴天風怒。

亞陸沈盤馮。舞臺演天擇。百年過渡期。四戰正境劫。銅駝荊棘榛。金碧成瓦礫。東林遺斧斤。梁木推前哲。

呂武偽臨朝。莽卓私僭竊。易水起悲歌。造物因豪傑。因明無上士。調御起巖穴。一劍隨天風。飄飄辭故國。

願以肝腦傾。神運拯手足。津濟駕蓮航。彼岸發偉業。蒲牢吼自由。支解梅特涅。震雷吹法螺。穢土卜重關。

前旌發問題。請賢起而答。南洲倡尊王。福澤冀教育。維廉馬志尼。吭聲炮鼎革。培根笛卡兒。格蘭斯康德。

依次互討論。相規盡天職。嗟余浮屠民。無物壯行色。附驥趁遠圖。夢想空組織。因戀南山雲。遲瞻東海日。

令夕餞君行。希望難言說。拜手頌雲興。舉頭觀明月。爰感月照師。扶桑澍新澤。魏峨光明幢。莊嚴紫金宅。

又思明月光。與君照不隔。兩間有別離。以太未曾別。

辛丑秋感四首用漁洋秋柳詩韻

養真

閒居何事最銷魂。獨立衡山望薊門。四鎮燕沙空雨泣。二陵檜柏着霜痕。西平謁駕饒策策。北塞流民憤

我生愛朋友。又愛文學。每於師友之詩文辭。芳馨悱惻。輒誦之。以印於腦。自付於古人之詩。能成誦者寥寥。而近人詩則數倍之。殆所謂豐於貳者耶。其鴻篇鉅製。洋洋灑灑者。行將別哀錄之。為一集。亦有東鱗西爪。僅記其一二者。隨筆錄之。

譚瀏陽志節學行思想。為我中國二十世紀開幕第一人。不待言矣。其詩亦獨闢新界。而淵含古聲。丙申在金陵所刻蒼蒼齋詩。自題為三十以前舊學第二種。蓋非其所自意者也。瀏陽殉國時。年僅三十二。故所謂新學之詩。寥寥極希。余所見惟題夢稿博扇有感舊四首之三。其一曰。無端過去生中事。兜上勝龍業。眼來燈下。調體誰一劍。尊前屍塚夢三槐。金裘噴血和天門。雲竹聞歌匝地哀。徐甲儘容心懺悔。願身成骨骨成灰。其二曰。死生流轉不相值。天地翻時忽一逢。且喜無情成解脫。欲追前事已冥濛。桐花院落烏頭白。芳草汀洲雁淚紅。再世金銀彈指過。結空為色又俄空。其三曰。柳花風有何冤業。萍末相遭乃爾奇。直到化泥方是聚。祇今墜水尚成離。馬能忍此而終古。亦與之為無町畦。我佛天親魔眷屬。一時撒手劫僧祇。其言沈鬱哀豔。蓋瀏陽集中所罕見者。不知其何所指也。然遺情之中。字字皆學道有得語。亦瀏陽之所以為瀏陽。新學之所以為新學歟。

戊戌去國之際。所藏書籍及著述舊稿。悉散佚。願無甚可留戀。數年來所出入於夢魂者。惟一菊花硯。硯為唐瀏陽所贈。時余承乏湖南。時務學堂講席。初與級。承定交也。譚瀏陽為之銘曰。空花了無負。實相用造別。偈起眾信。任公之研佛塵。贈兩君石。交我作證。其時江建霞方督湘學。受代去。瀕行前一日。文作別

見研與銘。乃為余刻之。今贈者銘者。刻者皆已沒矣。而此研復飛沈塵海。消息杳然。恐今生未必有合并時也。念之凄咽。

近世詩人。能鎔鑄新理想。以入舊風格者。當推黃公度。丙申丁酉間。其人境樓詩稿本。留余家者兩月餘。余讀之數過。然當時不解詩。故緣法淺薄。至今無一首能舉其全文者。殊可惜也。近見其七律一首。亦不記全文。惟能誦兩句云。文章巨蟹橫行日。世界羣龍見首時。余甚愛之。嚴又陵哲學大家。人多知之。至其詩才之淵懿。或罕知者。余記其戊戌八月感事一首云。求治翻為罪。明時誤愛才。伏尸名士賤。稱疾詔書哀。燕市天如晦。天南雨又來。臨河鳴犢歎。莫遣寸心灰。又綠珠詞一首云。情重身難主。淒涼石季倫。明珠三百珎。空換壁樓人。蓋哭林晚翠也。

康南海之第二女公子。同璧。學精史籍。深通英文。去年子身。獨行省親於印度。以十九歲之妙齡。弱質凌數千里之莽濤。瘴霧亦可謂虎父無犬子也。近得其寄詩二章。自跋云。侍大人遊舍衛。祇林壤殿。願垣佛法已劫。然支那女士來游者。同璧為第一人矣。詩云。舍衛山河歷劫塵。布金壞殿數三巡。若論士女西游者。我是支那第一人。靈鷲高峰照暮霞。淒迷塔樹萬人家。恒河落日濁涵盡。祇樹雷音付落花。

高平子以所著平等閣筆記見寄。記述兩年來都中近事。字字令人刺心。怵目中一條。其事甚瑣。而其人甚奇者。讀之。亦可見中國女權消息之一斑也。錄其全文如下。庚子仲冬。由日本西京偕日友數人乘玄海丸返國。使途得游朝鮮及關東關外諸地。雨雪載途。寒風砭骨。哀鴻遍野。春燕無歸。觸目心傷。夢魂鬱悒。余有詩云。關山一任誰家物。觸眼吾民百感傷。雪漫長空風滿地。滿車載夢過遼陽。一日薄暮。將投



逆旅適一女子容倩雅妝服澹素冷月凝暉寒山盛翠携一姥一僕匆匆更望北發余心訝之入旅店中見壁間題詩數首墨痕未乾字體秀逸其一云本是明珠自愛身金釵香擁翠裘輕為誰拋卻鄉關道白雪蒼波無限程其二云明鏡紅顏減舊時寒風似翦翦水肌傷心又是榆關路處處風翻五色旗其三云無計能醒我國民絲絲情淚濕紅巾甘心異族欺凌慣可有男兒憤不平尚有一首字體潦草不能辨識噫噫此何人也問之逆旅主人茫然不答

希臘詩人荷馬和譯作古代第一文豪也其詩篇為今日考據希臘史者獨一無二之秘本每篇率萬數千言近世詩家如莎士比亞彌兒敦田尼遜等其詩亦動數萬言偉哉勿論文藻即其氣魄固已奪人矣中國事事落他人後惟文學似差可頡頏西域然長篇之詩最傳誦者惟杜之北征韓之南山宋人至稱為日月爭光然其精深盤鬱雄偉博麗之氣尚未足也古詩孔雀東南飛一篇七百餘字號稱古今第一長詩詩雖奇絕亦只兒女子語於世運無影響也中國結習薄今愛古無論學問文章事業皆以古人為不可幾及余生平最惡聞此言竊謂自今以往其進步之遠較前代固不待著龜即並世人物亦何遽讓於古所云哉生平論詩最傾倒黃公度恨未能寫其全集頃南洋某報錄其舊作一章乃煌煌二千餘言真可謂空前之奇構矣荷莎彌田諸家之作余未能讀不敢妄下比隴若在震日吾敢謂有詩以來所未有也以文名之吾欲題為印度近史欲題為佛教小史欲題為地球宗教論欲題為宗教政治關係說然固詩也非文也有詩如此中國文學界足以豪矣因亟錄之以餉詩界革命軍之青年

錫蘭島卧佛

大風西北來搖天海波黑茫茫世界塵點點國土黑雖曰中國海無從問禹跡近溯唐南蠻遠連漢西域舊時職貢國依稀猶可識自明遺鄭和使節馳絡繹凡百馬流種各各設重驛金葉鑄多羅玉環獻摩勒每以佛光明表頌帝威德蘇祿率群臣浮泥挈盡室闍班披寶纓扶服拜赤帝是雖蠻夷長竊號公侯伯比古小諸侯尚足稱蒲壁其他鳥了帥爭亦附商舶有詔鎮國山碑立高百尺以此明德意比刻之累石及明中葉後朝貢暫失職豈知蕞爾國既經三四摘鐵圍薄福龍太半供鳥食我行過九真其次泊息力婆羅左右望群島比蟻蟻咸歸西道主盡拔漢赤幟日夕興亡淚多於海水滴行行復行行便到獅子國

浩浩象口水流到碗伽山遙望牽堵坡相約僧躋攀中有卧佛像丈六金身堅右疊重粟足左握光明拳雖具堅牢相軟過兜羅綿水因脫淨衣鬢雲堆華鬢大青髮屈蠶團金耳垂環就中白毫光普照世大千八十種好相一一功德圖是誰攝巧匠上登切利天刻此牛頭檀妙到秋毫顛或言佛涅槃婆羅雙樹間此即茶維地斯語原訛傳惟佛有神力高據兩山顛至今雙足迹尚隔十由延或言古無人只有龍鬼仙其後買珠人暫次成市廛此亦造妄語有如野狐禪實則經行地與佛大有緣參天貝多樹由此枝葉繁獨怪如來身不坐千葉蓮既付金縷衣何不一啟顏豈真疲津梁老矣倦欲眠如何沈沈睡竟過三千年

吁嗟佛滅度世界眼盡滅最先王舍城大闍禪師窟迦葉與阿難結集佛所說爾來一百年復見大會設恒河左右流捷槌聲不絕其後阿育王第一信佛法能役萬鬼神日造八萬塔舉國施與佛金榜國

門揭九十六外道。羣言罷一切。復遣諸弟子。分授十萬偈。北有大月氏。先照佛國月。四開無遮會。各運廣長舌。漢家通西域。聲教遠相投。金人一入夢。白馬來負笈。繩行復沙度。來往踵相躡。總持四千部。重譯多於髮。華言通梵語。眾推秦羅什。從分律法論。宗派各流別。要之佉盧字。力大過倉頡。南有獅子王。鑿字赤銅鏤。當時東西商。互通度人役。但稱佛弟子。能避鬼羅刹。遂使諸天經。滿載商人篋。鳥喙耶子。洲畏鬼性駭。一聞地獄說。心畏昧摩殺。賴佛得庇護。無異棲影。國主爭布金。妃后亦托鉢。尊佛過帝天。高供千白氈。樂奏梵音曲。訟聽番佛決。向來文身人。大半著僧袈。摩渡海來。一花開五葉。語言與文字。一掃付林樾。十年勤百壁。一燈傳立雪。直指本來心。大聲用棒喝。非特道家流。附會入莊列。竟使宋諸儒。沿襲事剽竊。最奇宗喀巴。別得大解脱。不生不滅身。忽然佛復活。西天自在王。高踞黃金榻。千百旣裘長。膜拜伏上謁。西戎大羊性。殺人日流血。喃喃誦經聲。竟能消殺伐。藏衛各蕃部。無復事鞭韃。即今奔巴瓶。改法用金袂。論彼象教力。羣胡猶震懾。綜佛所照臨。竟過九洲濶。極南到朱波。窮北踰昧鞞。大東渡日本。天皇盡僧牒。此方護佛齒。彼土迎佛骨。何人得鉢緣。某日是箭節。莊飾紫金塔。供養白銀闕。倒海然脂油。震雷響金鉞。香雲幢幡雲。九天九地徹。五百虎獅象。遍地迎菩薩。謂此功德盛。當歷千萬劫。有國賴庇護。金甌永無缺。豈知西域賈。手不持寸鐵。舉佛降生地。一旦盡劫奪。我聞舒五指。化作獅子雄。能令眾醉象。敗竄頭籠東。何不勅王。俾當敵人衝。我聞角大力。手張祖王弓。射過七鐵豬。入地千萬重。何不矢一發。再張力士鋒。我聞四海水。悉納毛孔中。蛟龍與魚鼈。眾生無不容。何不口一吸。令化諸毛蟲。我聞大千界。一擊成虛空。譬擲陶家輪。極遠到無窮。何不氣一噴。散為

鞞藍風。我聞三昧火。燒身光熊熊。千眼金剛杵。頭出煙燭紅。何不呼阿奴。一用天火攻。我聞安息香。力能勅毒龍。尾擊須彌山。波濤聲洶洶。何不呼小婢。悉遣河神從。我聞阿脩羅。橫攻善見宮。流盡赤蚌血。藕絲道無蹤。何不取天仗。壓制羣魔凶。我聞毗琉璃。素守南天封。薜荔鳩盤荼。萬鬼聲唱喞。何不飭鬼兵力。助天王功。惟佛大法王。兼綜諸神通。聲聞諸弟子。遞傳術猶工。如何斂手退。一任敵橫縱。竟使清淨土。概變腥膻戎。五方萬天祠。一齋鳴鼓鐘。遙望西王母。虎齒髮蓬蓬。合上皇帝號。萬寶河朝宗。佛力遂掃地。感嘆推肝胸。

佛不能庇國。豈不能庇教。奈何五印度。竟不聞佛號。古有韋陀書。云自梵天造。青樓婆羅門。挾此肆凌傲。凡夫鈍根輩。分定其能較。自佛倡平等。人各有業報。天堂與地獄。善惡人自召。卑賤眾首佗。吹螺喜相告。亦有婆羅門。漸漸服教導。食屑鴉鳩行。夜行鴉鷄叫。塗灰身半裸。拜月脚左躡。各棄事天業。迥向信三寶。大地闔浮提。慈雲徧覆幘。何意梵志輩。勢盛復鼓噪。灰死火復然。尾大力能掉。別創溫都名。布以人皇詔。佛頭橫著糞。詞罵雜嘲誚。盡驅出家人。一一出邊徼。外來波斯胡。更立祇神廟。千牛祭火光。萬馬拜日曜。嗣後摩訶末。採集各經要。一經衍聖傳。一劍鎮羣暴。謂此哥羅尼。實以教忠孝。天使乘白馬。口宣天所誥。從則升九天。否則殺左道。教主兼霸王。黃屋建左轟。繼以蒙古主。挾勢允傑。以彼轉輪王力。大誰敢校。通來耶穌徒。徧傳新舊約。載以通商船。助以攻城礮。謂天只一尊。獲罪無所禱。一切土木像。荒誕盡可笑。頂上舍利珠。拉雜付推燒。竟使佛威德。燈滅樹傾倒。摩耶撫鉢哭。迦葉捧衣悼。像法二千年。今日末劫到。惡王魔波旬。更使眾魔嬈。天龍八部眾。誰不生悲惱。

噫嗟五大洲立教幾教皇。惟佛能大仁。首先唱天堂。以我悲憫心。置人安樂鄉。古分十等人。貴賤如畫。疆惟佛具大勇。自棄銅輪王。眾生例平等。一律無低昂。罪畏末日審。報冀來世償。佛說有彌勒。福德莫可當。將來僧祇劫。普渡皆安康。此皆大德意。傾海誰能量。古學水風火。今學聲氣光。辨才總無礙。博綜無不詳。獨惜說慈悲。未免過主張。臂稱窮餓肉。身供餓虎糧。左手割利刃。右手塗檀香。冤親悉平等。善惡心皆忘。愈慈愈忍辱。轉令身羸羸。獸蹄交鳥跡。一聽外物狀。人間多虎豹。天上無鳳凰。虎豹富筋力。故能恣疆梁。鳳凰太文彩。毛羽易摧傷。惟強乃東權。強權如金剛。吁嗟古名國。興廢殊無常。羅馬善法律。希臘工文章。開化首埃及。今亦歸淪亡。念我亞細亞。大國居中央。堯舜四千年。聖賢代相望。大哉孔子道。上繼皇哉唐。血氣悉尊親。聲名被八荒。到今四夷侵。盡徹諸邊防。天若祚中國。黃帝垂衣裳。浮海率三軍。載書使四方。王威鎮象王。鬼族馴狼狽。歸化獻赤土。頌德歌白狼。共尊天可汗。化外胥來航。遠及牛賀洲。鞭之如羣羊。海無烈風作。地降甘露祥。人人仰震且。誰無黃種黃。弱供萬國役。治則天下強。明王久不作。四顧心茫茫。

任讀明詩見劉誠意集中一篇一千三百餘言。構思之奇。遣語之險。亦可為吾詩界中放一異彩。雖然長篇詩為長短句者不難。而五言最難。為奇險語有壯采者不難。為莊嚴語有風格者最難。吾重公度詩。謂其意象無一襲昔賢。其風格又無一讓昔賢也。請兩錄之以資比較。

邪發洩生瘡。兩眼相逐走不歇。天帝怒其勞逸不調。生病患申命守以兩鬼名曰結璘與鬱儀。鬱儀手捉三足老鴉。脚踏火輪。蟠九螭。咀嚼五色若木英。身上五色光陸離。朝發陽谷暮金樞。清晨還上扶桑枝。揚鞭驅龍扶海若。蒸霞沸浪煎魚龜。輝煌焜耀啟幽暗。燠煦草木生芳蕤。結璘坐在廣寒桂樹根。漱嚙桂露芬香菲。咲服白兔所搗之靈藥。跳上蟾蜍背脊騎。插光弄影蕩雲漢。閃奎燦壁葩花摘。手摘桂樹子撒入大海中。散與蚌蛤為珠璣。或落巖谷間。化作珣玕琪。人拾得喫者。胸臆生明暈。內外星官各職職。惟有兩鬼兩眼晝夜長相追。有物來掩犯。兩鬼隨即揮刀鉞。禁制蝦蟇與老狸。低頭屏氣服役使。不敢起意為姦欺。天帝憐兩鬼。暫放兩鬼人間娛。一鬼乘白狗。走向織女黃姑磯。槌河鼓。暮兩旗。跳下黃初平牧羊羣。烹羊食肉口吻流膏脂。却入天台山。呼龍喚虎聽指麾。東巖鑿石取金卵。西巖掘土求瓊蕊。巖窟洞春石梁折。驚起五百羅漢。半夜撥刺衝天飛。一鬼乘白豕。從以青羊青兔赤鼠鬼。便從閣道出西清。入少微浴咸池。身騎青田鶴。去採青田芝。仙都赤城三十六。洞主騎鸞鳳。來陪隨。神魁清唱毛女和。長烟裊裊飄旌旗。蜚廉吹笙虎擊筑。罔象出舞奔馮夷。兩鬼自從天上別。別後道路阻隔不得相聞知。忽聞寒山子。往來說因依。兩鬼各借問。始知相去近不遠。何得不一相見。叙情詞。情詞不得叙。焉得不相思。相思人間五十年。未抵天上五十炊。忽然宇宙變差異。六月落雪水天達。龜鼈山上作窟穴。蛇頭生角角有歧。鱉魚掉尾斫巨鼈。脚蓬萊宮倒水沒。槓槍枉矢爭出逞。妖怪或大如甕。或長如委蛇。光燦燦。形躡躡。叫鹿豕。呼能巖。煽吳回。翔魃魃。天帝左右無扶持。蚊蟲蚤蠹蠅蚋。嚼膚啣血圖飽肥。擾擾不可揮。助節解折兩眼燈。不辨研與媿。兩鬼大惕傷。身如受榜笞。便欲相約討藥。

與天帝醫先去兩眼翳使識青黃紅白黑便下天潢天一水洗滌盤古腸胃心腎肝肺脾却取女媧所搏黃土塊改換耳目口鼻舌眉然後請軒轅邀伏羲風后力牧老龍吉泰山稽命魯般詔工倕使豐隆役黔羸礪斧具鑪鎚取金暮收伐材尾箕修理南極北極樞輪運太陰太陽機檄石皇地示部署岳瀆神受約天皇塤生鳥必鳳皇勿生巢與鴟生獸必麒麟勿生豺與狸生鱗必龍鯉勿生蛇與蠃生甲必龜貝勿生螭與螟生木必松楠生草必薺葵勿生鉤吻含毒斷人腸勿生枳棘覃利傷人肌螟蝗害禾稼必絕其蟻蚘虎狼防蓄牧必遏其孕孽啟迪天下蠢蠢氓悉蹈禮義尊父師奉事周公魯仲尼曾子與孔子思敬習書易禮樂春秋詩履正直屏邪敬引頑嚚入矩規雍雍熙熙不凍不饑避刑遠罪趨祥祺謀之不能行不意天帝錯怪恚謂此是我所當為眇眇末兩鬼何敢越分生思惟啾啾向瘖盲洩漏造化微急詔飛天神王與我捉此兩鬼拘囚之勿使在人寰做出妖怪奇飛天神王得天帝詔立召五百夜叉帶金繩將鐵網尋蹤逐跡莫放兩鬼走逸入嶽巖五百夜叉个个口吐火搜天刮地走不疲吹風放火烈山谷不問杉柏樗櫟蘭艾蒿芝蘅茅茨燔爇灼無餘遺搜到九萬九千九百九十九切幽谷底捉住兩鬼眼睛光活如琉璃養在銀絲鐵柵內衣以文采食以麋莫教突出籠絡外踏折地軸傾天維兩鬼亦自相顧笑但得不寒不餓長樂無憂悲自可等待天帝息怒解猜惑依舊天上作伴同遊戲

陳伯嚴吏部義甯撫軍之公子也與譚瀏陽齊名有兩公子之目義甯相中治蹟多其所贊畫其詩不用新異之語而境界自與時流異醴深俊微吾謂於唐宋人集中罕見倫比記其贈黃公度一首云十年治亂餘今日四海蒼茫到異人欲挈頑流還孔墨可憐此意在埃塵勞勞歌哭昏連曉歷歷肝腸久更新同倚斜陽看雁去天迴地動一沾巾

吳君遂邢部武壯公長慶子也以氣節聞一時丁酉抗疏陳時事請變法格不得達浩然掛冠歸近頃復上疏請歸政迴鑾以後薄海所想望者惟此一舉然莫敢言也惟君毅然犯政府所最忌而言之其所養可知矣其詩尚其為人所有北山樓集宋平子跋之云五言古體多似陶韋五言律體多似少陵七言律體直逼江西諸祖蓋道實也吾最愛其支那有一士一兩章其一云支那有一士效迹居越東抗志希純素篤性東淵冲意曠九州外神遊三代中如傷倦心目無告哀殘廢一夫苟不獲叢疚在厥躬陳詞就重華問道訪崆峒著書累萬言吾道未終窮哲人不偶世至論無污隆豈惟躋小康將以致大同挾策獻太平曠能識王通抱玉貴善藏活國復良工感子他山意錯石資磨礱已矣吾何悲矯首咨鴻濛右贈宋平子其二云支那有一士戡影居越西結念抱冰雪宅心高虹霓慷慨懷前修惻愴憫羣黎邱索與典墳一窮探樞種界析狼鹿政教疏羗氏獨承秦皇祚屢忤末俗詆騎士自跣跣良馬空踈踈始知問代才動與世相睽澄澄之江波曉日鳴天鷄巖巖天台山仰止難攀躋賤子奮孤心逆鱗嘗獨批荃莫察中情信讒反怒憤邪枉固不容悻直終見擢三月何皇皇兩馬猶栖栖懷哉虞重華風雨聞弗迷宣尼未忘魯子與思王齊已而復已而且俟聖人兮右贈章太炎又有集句一首云青天漫漫覆長路一紙短書無寄處欲問平安無使來乃知貧賤別更苦四時天氣總愁人秋月春風等閑度憂患累兮歡樂鮮朱顏日夜不如故嗟余此去其從誰萬里蒼蒼烟水暮構雲有

高營祇見石與土。俛視大江奔。幽憤得一吐。我欲凌風翔。轉上青天去。當面輸心背。面笑翻手作雲覆。手

雨煙消日出不見人。至竟江山誰是主。驅使前輩天衣無縫。而含蓄蘊藉。別有懷抱。余酷愛之。

丁叔雅戶部。雨生中丞子也。卓犖有遠志。憂國如痼。而詩尤以神味勝。庚子秋。余返滬上。從友人扇頭見

其感事一首云。被髮爾足行趨趨。有人流涕哀江南。眼前所見皆餘子。大宙之亂何時歇。余絕愛之。謂以

二十八字寫盡當時局。而自見懷抱。仁言諷如。未有能及此者也。頃從北山樓集。復見其將歸嶺南留

別一首云。百無聊賴過零丁。遙睇中原一髮青。避地詩人哀故國。渡江名士泣新亭。山河運歇英才盡。鼙

鼓聲沈戰血腥。鷄首賜秦天亦醉。祇憐羈客獨長醒。絕似劍南學杜諸作也。

吾黨中天才絕特者。未有吾家伯雋。孝廉若也。伯雋以辛卯年。與余同游南海先生之門。年方十四。是歲

即舉於鄉。當其未禮南海也。錄錄無以異於常兒。一度摩頂受記。風慧騰發。而尤耽內典。在齋中。終日坐

禪。少年同學。時或揶揄捉弄之。弗為動也。其冬。余入都。伯雋贈三詩。其一云。惺惺真宰慎其微。萬象紛紜

任所之。客賦並來善相接。佛魔俱掃得堅持。精魂頑歷三千劫。大力常周十二時。游刃雖然有餘地。族間

猶自見難為。其二云。長嘯一聲天地寬。儵然來去更無難。崑崙頂上鐵船動。魑魅叢中神劍寒。壁立萬仞

皆平地。坐斷十方如是觀。河嶽日星通神氣。周游磅礴在胸肝。其三云。無明有愛如來種。一片慈悲成此

身。軀殼眾生託吾輩。肝腸內熱為斯人。游行自在虛空架。轉運無方大法輪。七寶莊嚴開世界。卻原步步

踏紅塵。十四歲乳臭小兒。何處有此識想。得不嘆絕。

南海先生曰。伯雋殆有夙根者。游戲人間耳。顧伯雋寡言。吾無從窺其底蘊。以文字論之。知其非冷腸人

也。記其所填詞摸魚兒一闋云。算只有江山無數。怎盛得靈氣住。□□□□□□□□□□□□□□□□□□

緒向百尺高樓。觀看行人路。滿城蕭瑟。算愁裏無人。夢中無地。獨自任情苦。秋風起。春草春花又暮。忍見

陀城烟樹。蕭蕭馬鳴催落日。弄得老天憔悴。我何顧。算萬里堂堂。猶是神州土。笑聲歸去。待日聞雲。冥風

狂雨橫重。奮舊游處。又金縷曲一闋。記其末四句云。他若有情吾能見。吾有情更待向誰說。空佇立。肝腸

熱然則伯雋豈忘世者耶。記昔嘗責備之。伯雋曰。我今日正在卧薪嘗胆的時候。但薪胆生涯。忽忽十年

矣。海內風雲。如此其急。而小舍利弗尚不肯出定。吾又安能無憾也。能妨格者健忘不譚瀏陽之有得於佛學。知瀏陽者皆能言之。然瀏陽之學佛。實自金陵楊仁山居士。其遺詩有金陵聽說

法一章。即居士所說也。詩云。而為上首普觀察。承佛威神說偈言。一任法田賣人子。獨從性海救靈魂。網

倫慘以喀私德。法令盛於巴力門。大地山河今領取。替摩羅果堂中論。此詩無刻本。見麥孺博筆端。瀏陽

手書也。

達縣吳李清先生德瀟。作令西安。庚子義和之變。為亂民所戕。闔門及難。識與不識。莫不痛心。天之報施

善人。真其誣哉。先生至德純孝。而學識魄力。迥絕流俗。尤邃佛理。自號雙遣居士。有子三人。長曰鐵樵。名

樵。次曰仲毅。名以榮。季曰子發。名以東。皆有過人之才。余與譚瀏陽及鐵樵約為兄弟交。而父事李清先

生。乙未秋冬間。同客京師。吾三人者。連與接席。未嘗一日相離也。丙申五月。鐵樵以暴病卒於漢口。瀏陽

時在滬。哭之慟。嘗為作一傳。見時務報中。未幾李清先生之官山陰。瀏陽贈一詩云。此生當補他方佛。何

意微塵補一官。□□□□□□□□□□□□□□□□□□延陵魂氣北邙寒。下蓋弔之也。以東當乙未。年僅十一。隨侍入都。風采

英發偏文一時名士。瀏陽戲號之曰舍利弗。以其早慧也。丙申受學於余者一年。日讀書盡十餘卷。屬文能二三千言。兼學英法文字。而仲復亦來居滬上。綜核善治事。瀏陽語余曰。三吳蜀之三龍也。吾國有此等人才。豈是亡國氣象。而不意鐵樵無端以死。而兩弟亦隨季清先生斃於毒刃也。庚子夏。余在夏威夷島。得仲復一書。曰。舍利弗每言及公。即涕泣不可止。余重感之。重悲之。乃書未及答。而凶耗已聞。天之喪斯夫。復何言。在報中見黃公度有庚子三哀詩。其一即季清先生也。記其數聯云。以君精佛理。夙通一切法。明知入世事。如幻如泡沫。佛力尚有盡。何況身生滅。將頭臨及時。定知不驚懼。讀此亦可以略窺先生之學矣。

譚瀏陽獄中絕筆詩。各報多登之。日本人至譜為樂歌。海宇傳誦。不待述矣。但其詩中所指之人。或未能知之。今錄原文。略加案語。詩曰。望門投止思張儉。忍死須臾待杜根。我自橫刀向天笑。去留肝胆兩崑崙。所謂兩崑崙者。其一指南海。其一乃俠客大刀王五。瀏陽作吳鐵樵傳中所稱王正誼者是也。王五為幽燕大俠。以保標為業。其勢力範圍北及山海關。南及清江浦。生平專以鋤強扶弱為事。瀏陽少年嘗從之受劍術。以道義相期許。戊戌之變。瀏陽與謀奪門迎辟。事未就。而瀏陽被逮。王五懷此志不衰。庚子八月有所布畫。忽為義和團所執。齎志以沒。嗚呼。王五真男兒。不負瀏陽矣。

余識唐瀏陽最晚。乙未秋與譚瀏陽定交。叩其友。則曰。二十年刎頸交。絞丞一人而已。余心識之。丁酉冬講學長沙。譚公乃為余兩人介紹焉。譚公之成仁也。唐公慟哭辭家。欲如京師收葬。至上海。則譚公忠骸已南下。因不果往。而東渡謁南海。時有輓聯云。與我公別幾許時。忽警電飛來。忍不携二十年刎頸交同

赴泉臺。漫贏得去楚孤臣。蕭聲嗚咽。近至尊剛十餘日。被羣陰構死。甘永拋四百兆。為奴種長埋地獄。只留得扶桑三傑。劍氣摩空。至今讀之。猶字字精神活現。凄人心脾。蓋唐公所以繼譚公之志者。早定於二十年前矣。唐公流血後。同人復有誦其詩者。僅記二句云。賸好頭顱酬死友。無真面目見羣魔。此詩余未之見也。在南洋時。□□□屬余寫之。余為續成一絕句云。道高一尺魔一丈。天地無情獨奈何。

宗室壽伯福太史富。可謂滿洲中最賢者矣。其天性厚。其學博。其識拔。愛國之心。益眩於面。乙未秋冬間。余執役強學會。君與吳彥復翩然相過。始定交。彼此以大業相期許。其後君復有知恥學會之設。都人士咸以為狂。莫或應也。庚子八月。君果以身殉國。噫。可不謂朝陽鳴鳳耶。余丙申出都。君有贈詩。不能全記憶。今從北山樓集得其原本。亟錄誌感。詩曰。飛絮亂晴烟。飛花撲綺筵。春風一回流。飄泊去南天。夫子青雲器。高吟白馬篇。空勞賈生哭。不薦禰衡賢。長枵辭京國。揚舲指媚川。海雲愁望闕。嶺樹引歸船。寶劍終騰匣。明珠暫伏淵。江湖閑歲月。好自惜華年。

武陵何鐵笛烈士來保。余未獲識。面顧夙聞。譚瀏陽稱其為人。謂生平肝胆交。除絞丞外。君為第一。因此相神交者數年矣。庚子君與唐瀏陽共事。而君責任衡湘一切布畫。漢變後。死事最烈。項趙曰。生郵寄其絕命詞四章。亟錄如下。銀鑰鐵鎖出圍牆。親友紛紛送道旁。三百健兒齊護衛。萬頭鑽孔看何郎。鐵笛被長沙故云。日生注送北宋黨人碑甫毀。東林名士獄旋興。千秋公論應猶在。兩廡孤豚愧未能。四萬八千蟲出入。五官五臟我原無。無人何苦爭恒幹。還我清虛一丈夫。痛哭君親恩太厚。百千萬劫不能酬。忠臣孝子今生了。且向龍潭掉臂遊。

鐵笛復有滿江紅一闕其自序云庚子黨禍再作亡命桃源遂遊桃源洞黑菁鬼語蒼桐猩啼魂悽魄殭非復人間世也援筆賦此其詞云造化小兒簸弄我望門投止黑夜裏攀籬附葛雨來風起燈火一星林際出忽聞犬吠心頭喜又山門閉了寂無人鐘聲死撫身世淚盈皆悲家國血盈臆叶上問蒼天何苦磨人至此靖節先生知甚處避秦有甚桃源裏聽天邊啞啞有慈鴉歸來只

武陵蔡樹珊烈士鍾浩血性過人治事機警余承乏湖南時務學堂時君始來共學其後復游學東京亦以漢難遇害曰生復錄其獄中作四章見寄詩云蟻磨盤舒又一年元黃爭戰幾推遷寒沙白日淹鸞地短褐雕弓射虎天終見蝴蝶同水火那堪環玦在風煙雞鳴午夜頻搔首看劍挑燈意惘然觚稜夢裡寒金雀諫草堂前起暮鴉誤國十年仇介甫通藩幾道問充華蟬蛸竟夕成毛羽螳臂當車挫爪牙西狩無麟天閨爽逋逃人海奏龍蛇又聞麻達葛山奇輕重當年類舉棋貂珥雙簪矜別邸蘭椒三熱拜西闈酬天祀典憐難寶排日笙歌駕鳳蟄營得免喪身欲老克家猶護綠幢兜蕭牆旋起八王戈魔寇其如召寇何碧海膏流成赤國紅蓮豔結舞妖魔九朝典冊新鈴散千騎官裝老淚多辜負香衾驚破夢不因封事動鳴珂

邱公恪名宗華當代青年中一有望之人物也去冬游學日本入成城學校習陸軍以病退校歸養滬上余親送登舟乃歸未及一月竟溘然長逝年僅逾弱冠耳懷八斗之才飲萬斛之恨一事未就齋志九原吳氏兄弟以後又弱一个矣君夫人吳孟班先君數月卒一時有心人既已痛之蔣觀雲曾有詩云女權撒手心猶熱一樣銷魂是國場吾於孟班未得見若公恪者固夙以為國流血自祝吾亦冀其為鐵血派

中一偉人也豈意天地無情關樞玉折公恪孟班吾知爾不瞑於泉臺矣公恪卒後葉浩吾有輓聯云中少年死知己一人亡而成城學校校友會亦有祭文云沈沈支那大病長殲哀哀眾生噩夢正酣魑魅攫人白晝遊饒嗟我同志日削月削咄咄公恪海邦雄男俯仰國事痛如酸銜漆室哀鳴無禱國恥矧以憂殉曷其能堪嗚呼哀哉苟生足愧苟死甯甘就魘女權一例優曇志未一酬墓草既繁海國龍伯扶餘虬鬚振劍三彈淚盈黃衫讀君遺書憂心如快竟君之志後死者擔魂兮來歌目斷江南嗚呼哀哉尚饗太平翼王石達開其用兵之才盡人知之而不知其嫻於文學也近友人傳誦其詩五章蓋曾文正曾招降彼而彼賦此以答也詩云曾摘芹香入泮宮更採桂蕊趁秋風少年落拓雲中鶴陳迹飄零雲裏鴻聲價敢云空冀北文章今已遍江東儒林異代應知我祇合名山一卷終不策天人在廟堂生慙名位掩文章清時將相無傳例未造乾坤有主張况復仕途多幻境幾多苦海少歡場何如著作千秋業宇宙長留一瓣香揚鞭慷慨莅中原不為仇讐不為恩祇覺蒼天方憤憤莫憑赤手拯元元三年攬轡悲羸馬萬眾梯山似病猿我志未酬人亦苦東南到處有啼痕若個將才同銜霍幾人佐命等蕭曹勇兒欲盡麒麟閣早夜當嫺虎豹韜滿眼河山增歷數到頭功業屬英豪每看一代風雲會濟濟從龍畢竟高大帝勳華多頌美皇王家世盡鴻濛費人居貨移神鼎亭長還鄉唱大風起自匹夫方見異遇非天子不為隆醴泉芝草無根脈劉裕當年田舍翁此詩自叙履歷兼述志氣所云名山一卷著作千秋蓋亦有所自負矣前後四章皆不免下里巴人之誦獨第三章則即以詩論亦不愧作者之林且仁人之言藹如矣至其懷抱帝王思想不知民權大義則固不足以責數十年前之人物也又聞石有所作檄文全篇駢儷中四語云

忍令上國衣冠淪於夷狄相率中原豪傑還我河山雖王琳駱賓王亦無此佳語豈得徒以武夫目之耶

南海先生不以詩名然其詩固非尋常作家所能及者蓋發於真性情故詩外常有人也先生最嗜杜詩能誦全杜集一字不遺故其詩雖非刻意有所學然一見殆與杜集亂楮葉余能記誦百餘首所最愛者已丑出都七律四首之一云滄海飛波百怪橫唐衢痛哭萬人驚高峯突出諸山妒上帝無言百鬼侮漫有漢廷追賈誼豈教江夏貶禰衡陸沈忽望中原歎他日應思魯二生又絕句十首之二云此去南山與北山猿鶴哀號松柏頑或勸蹈海未忍去且歌惜誓留人間南山之下豆苗肥北山之上猿鶴飛百畝耕桑五畝宅先生歸去未必非戊戌國變紀事四首之三云歷歷維新夢分明百日中莊嚴對宣室哀痛起桐宮禍水滔中夏堯臺悼聖躬小臣東海淚望帝杜鵑紅遮雲金翅鳥啄食小龍飛海水看翻立昊天怨式微哀哀呼后土慘慘夢金閨千載龜殼恨王孫有是非吾君真可恃哀痛詔頻聞未竟維新業先傳禪讓文中原皆沸鼎黨獄起愁雲上帝哀臣罪巫陽筮予魂

侯官嚴先生之科學學界稍有識者皆知推重而其文學則為哲理所掄知者蓋寡余前作廣詩中八賢歌內一解云哲學初祖天演嚴遠取歐鉛撓亞契合與莎米為雛鵲奪我曹席太不廉蓋深佩之也頃熊季廉錄其辛丑三月舊作見寄即先生北行時和季廉作也詩如下二十九稜初告終搏搏負地趨大同神機掉闔縱變化爭存物競誰為雄至人先天不滯物高下體合同張弓心知斯民致仁壽何徒食苦師藜蟲大哉培根氏告我觀物見道真纖洪三五帝各垂法當其時可皆為功量量之氓俾自主如適洲

渚浮滕艖及其時過仍墨守無益徒使百弊叢矧茲天意存混一異類殊俗終緣通是時閉距議自守何異毛毳當爐烘履而後艱常智耳既懲勿省庸非慢四萬萬人皆貴種遂使奴隸神將恫所以百千億志士欲持建鼓過頑聾賢愚度量既相越聽者一衷耳充膠膠擾擾何時已新舊二黨方相攻去年北方致大覺至今萬乘猶塵蒙亦知天心未悔禍南奔避地甘長終豈意逃空得聲效知文迺遇四五公就中愛我最親摯傳指先屈南昌熊心期渾欲忘彼已圭角細與加磨鬣人生行止不自詭扁舟忽欲隨南風瀕行握手無所贈惟有空氣如長虹橫流它日倘相遇所願身道雙加豐季廉南昌人名師復侯官高足弟子也

昔嘗推黃公度夏德卿將觀雲為近世詩界三傑吾讀德卿詩最早公度詩次之觀雲詩最晚然兩年以來得見觀雲詩最多月有數章公度詩已如鳳毛麟角矣德卿詩則分携以來僅見兩短章耳團沙之感云何可言近觀雲以其四長篇見則則已亥秋別天津有感寄懷嚴將陳諸故人之一作也讀竟如枯腸得酒圓滿欣美爰急錄之如下暮雨掩柴門秋聲滿庭樹瑟瑟紙屏間一燈靜如鷺鬢少年時讀書未馳騫即此感生平流轉亡吾故乙未在武昌始與吳生相遇丙申在密雲閉戶旦朝暮丁酉在京師張趙日相晤新機始萌芽禱祀潤雨露戊戌在天津大夢正驚寤素笈載濁酒慷慨登樓賦在天津時與酒各有詩記之今年在鄉閭過此將焉駐人生幾中秋何者為我素問天天不聞聽雨雨不住東髮抱流略辛勤三十年一日不忍捨願欲窺高壘才短衣食迫窮老仍愚顛慨然望六合豈無豪與賢間關十數載所在窮山淵山陽一聞笛中策從此損時會既未至盛業由書傳旁行百萬卷精詣窮人天舌



人十萬輩。嗟目無嫌妍。學未聞大道。豈能事言詮。昔者山海隔。今有車與船。今者文字隔。誰施蹄與筮。事窮我公起。嚴氏官。吾族殆帝憐。公學豈在此。而此世所先。國狗素狂猥。耽耽吻常涎。興亡有一定。名世獨見全。冥冥津門樹。日暮起蒼煙。扁舟載吾逝。不復相流連。何時一尊酒。龍勉為執鞭。蔣子嶠起寒素。姓名世不張。乞食走燕野。掃塵書一床。過從日抵掌。每覺芝蘭芳。農宗若有秋。間蔣子發大義。精誼貫百王。持此照震旦。可謂見膏肓。陳子錦墨者。築與蔣相翔。翔人振絕詣。哲學搜旁行。餘事托雄劍。赴難甘探湯。嗟吾二三子。於世誠蚊虻。然而貞元際。捨此誰與商。艱難困一飽。口吐舌為僵。浮雲起西北。俄頃滿八荒。蕭蕭涼風至。白露降為霜。蒲柳與松柏。於理豈久藏。為我蓄明德。毋亟耀其光。湛湛一尊酒。淵淵千卷書。蕭蕭兩株樹。寂寂三間廬。微材豈有競。即此亦足娛。所嗟時日迫。言將戒征車。征車亦何為。窮達非我圖。但恨萬山外。朋友日夜疏。滔滔浙江水。亘古不得徐。東流到黃海。應滌故人居。登樓望不見。天海搖空虛。旋歸對塵俗。積懣聊一舒。侘傺獨就枕。夢見遊天衢。九奏動萬舞。熊羆自我涂。邱聃竝千古。疇能辨有無。

黃公度集中名篇不少。至其今別離四章。度曾讀黃集者。無不首記誦之。陳伯嚴推為千年絕作。殆公論矣。余嚮者每章能舉其數聯。顧迄不能全體成誦。憤恨無任。季廉不知從何處得其副本。寫以見。似開緘不自知其距躍三百也。亟為流通之於人間。世吾以是因緣。以是功德。冀生詩界天國。別腸轉如輪。一刻既萬周。眼見雙輪馳。益增心中憂。古亦有山川。古亦有車舟。車舟載離別。行止猶自由。今日舟與車。併力生離愁。明知須臾景。不許稍綢繆。鐘聲一及時。頃刻不少留。雖有萬鈞稅。動如繞指柔。豈無打頭

風亦不畏石。尤送者未及返。君在天盡頭。望影修不見。烟波杳悠悠。去矣一何速。歸如留滯不。所願君歸時。快乘輕氣球。朝寄平安語。暮寄相思字。馳書迅如電。云是君所寄。既非君手書。又無君默記。雖著花字名。知誰籍紙尾。尋常並坐語。未遽悉心事。况經三四譯。豈能達人意。只有班班墨。類似臨行淚。門前兩行樹。離離到天際。中央亦有絲。有絲兩頭繫。如何君寄書。斷續不時至。每日百須臾。書到時有幾。一息不見聞。使我容顏悴。安得如雷光。一閃至君旁。開函喜動色。分明是君容。自君鏡奩來。入妾懷袖中。臨行翦中衣。是妾親手縫。肥瘦妾自思。今昔將母同。自別思見君。情如春酒濃。今日見君面。仍覺心忡忡。攬鏡妾自照。顏色桃花紅。開篋持贈君。如與君相逢。妾有釵插鬢。君有襟當胸。雙懸可憐影。汝我長相從。雖則長相從。別恨終無窮。對面不解語。若隔山萬重。自非夢來往。密意何由通。汝魂將何之。欲與君追隨。飄然渡滄海。不畏風波危。昨夕入君室。舉手牽君帷。披推不見人。想君就枕遲。君魂倘尋我。會面亦難期。恐君魂來日。是妾不寐時。妾睡君或醒。君睡妾豈知。彼此不相聞。安怪相參差。舉頭見明月。明月方入扉。此時想君身。侵曉剛披衣。君在海之角。妾在天之涯。相去三萬里。晝夜相背馳。眠起不同時。魂夢難相依。地長不能縮。翼短不能飛。只有戀君心。海枯終不移。海水深復深。難以量相思。吾少年同學中。相與共晨夕。最久者。惟番禺韓孔布衣。即其著述。自署捫蝨談虎客者是也。孔評騭人物。最有特識。常在尋常人。褒貶毀譽之外。嘗為詠史絕句十餘章。其張子房一首云。悲智彌綸徧九州。空觀寶證一留侯。功成撒手人天去。畢竟亡秦為國仇。其陳龍川一首云。斬馬盜馬陳同甫。千古英雄僅見之。可惜漆光開眼日。醉時心事已飛馳。蓋孔謂子房為國家主義中之樂天派。謂陳同甫為儒生之

有帝王思想者也

孔六復有熱心一首云熱心直欲燼天地落魄依然一國民病裏觀人原幻境夢中化蝶是前身交論血肉天應淚相到皮毛馬不真我亦三十年睡足東方雄辯已驚神余昔在美洲時從報紙中見此詩酷愛之顧不知為誰氏作後乃詢知其出我孔六也

黃公度嘗語余云四十以前所作詩多隨手散佚庚辛之交隨使歐洲憤時勢之不可為感身世之不遇乃始薈萃成編藉以自娛即在湘所見之稿也公度既不屑以詩人自居未肯公之同好余又失之交臂未錄副本近於詩話中稱其詩海內外詩人貽書索閱者甚多然急切無從覓致也念其官日本參贊時如重野安繹森春濤龜谷行諸君皆有唱酬又聞天南某氏曾在新嘉坡領事署鈔存人境廬詩一卷余因徵之東瀛南島幸得數十篇自今以往每次詩話中必有一鱗一爪矣但所刊錄未必為公度得意之作要之公度之詩獨闢境界卓然自立於二十世紀詩界中羣推為大家公論不容誣也

公度嘗以光緒七年裁撤美國留學生為中國第一不幸事然至今日尚有公然與留學生為敵者公度聞之感慨又當何如錄其罷美國留學生感賦一首嘻是亦海外學界一段歷史也其中情狀知之者已寡知之而今能言之者益希矣錄以流布人間焉學生乎監督乎當道乎讀之皆可以自鑑也豈直詩人之詩云爾哉漢家通西域正值全盛時南至大琉球東連高句驪有北同盟國帝號俄羅斯各遣子弟來來拜國子師皇帝臨辟雍皇皇漢官儀石經出玉篋寶蓋張丹墀諸王立橫巷百蠻圍泮池於戲盛德事慨想軒與義自從木蘭狩國弱勢不枝環球六七雄鷹立側眼窺應制臺閣體和聲帖括詩二三老

成謀知難濟傾危欲為樹人計所當師四夷奏遣留學生有詔命所司第一選雋秀其次擇門楣高門撮科第若摘領下髭黃背好八股肯令手停披茫茫西半球極遠天無涯千金不垂堂誰敢狎蛟螭惟有小家子重利輕別離乾千山頭雀短喙日啼饑但圖飛去樂不復問所之藍縷田舍奴蓬頭乳臭兒優給堂殮錢榮頒行裝衣舟人東西人相顧驚復疑此乃窶人子胡為來施施使者挈乘槎四牡光駢駢鄭重詔監督一一聽指麾廣廈百數間高懸黃龍旗入室闈無人但見空皋比便便腹高卧委蛇復委蛇借問諸學生了不知東西各隨女師去離離母相依烏語日啾啾度幾無參差就中高材生亦有出類奇其餘中不中太半悲染絲千花紅氍毹四窗碧琉璃金絡水晶柱銀盤夜光杯鄉愚少所見乍見輒意移家書說貧窮問子今何居我今膳雙雞誰記炊度度汝言盡無糧何不食肉糜客聞故鄉事欲答顏忸怩嬉戲替戾岡游燕賀跋支縱譚伊優亞酣歌妃呼爺吳言與粵語病忘反不知亦有習杖教相率拜天祠口嚼天父餅手繡景教碑樓臺法界住香華美人貽此間國極樂樂不故蜀思新來吳監督其僚喜官威謂此泛駕馬銜勒乃能騎徵集諸生來不拜即鞭笞弱者呼暴痛強者反唇稽汝輩狼野心不如胤有皮誰甘畜生罵公然老拳揮監督憤上書溢以加罪辭諸生盡佻達所業徒荒嬉學成供蠻奴否則仍漢廢國家糜金錢養此將何為朝廷命使者去留審所宜使者護諸生本意相維持監督意亦悔駟馬舌難追使者甫下車含怒故詆謀我不知許事我且食蛤蜊監督拂衣起怒喘竹筒吹一語不能合遂令天地睨即當一百人一一悉遣歸竟如瓜蔓抄牽累何累累當其未遣時西人書文馳總統格蘭脫校長某何難願言華學生留為國光輝此來學日淺難言成與虧頗有聰穎士利錐非鈍樁忽然筵席撤何異繫帶礮本圖愛

相助。今胡棄如遺。相公答書言。不過別暇疵。一旦盡遣。譁然稱我欺。怒下逐客令。旋禁華工來。湖自西  
學行。極感推康。與算兼幾。何學方集海外醫。天士充日官。南齋長追隨。廣譯奇器圖。諸器何夥。願惜哉國  
學舍。未及設。秋觀。矧今學興廢。尤關國盛衰。十年教訓力。百年富強基。奈何聽兇戲。所遣皆卑微。部婁難  
為高。混沌強書眉。坐令遠大圖。壞以意氣私。牽牛罰太重。亡羊補恐遲。蹉跎一失足。再遣終無期。目送海  
舟返。萬感心傷悲。按美國留學生於辛巳年裁撤。奏請派往者曾文正公。募集學生者豐順丁日昌。率往  
其僚友為金某。初率學生繼派副使  
為香山容閣備誌。詩未以供參考。

項得上海一匿名書。自題東亞傷心人者。內新樂府一章。屬登報。讀之。香山西堂不是過也。因急攬以實

我詩話。惟鼓蒼露白。伊人為誰。不能無歎望焉耳。空谷足然。尚希毋我遐棄。告以桃花源中。人姓氏。豈勝  
忻慕。嘗鼎一臠。食指養養。瑤瑤之好。更望再投。詩如下  
哀星報 譏辱國也  
使臣怒使臣怒。使臣怒阿誰。不怒赤阪妓。不怒新橋女。大夫學生汝。太不曉事。長揖空階求不已。不是  
龍門汝。誤投市僧認。作韓荆州。從來市僧得志。慣橫行。未聞獻媚。蓄意殺學生。使臣當日好肩背。南洋  
負米東洋賣。相公堂前。袖獻票紙。王爺膝下。跪呈扇子。王爺心緒憂。肥奴旁侍喘如牛。親捧留聲機器  
奏林頭。翁在街頭賣卦命。兒走上房司門政。兒今作貴人。紫綬金章襯綠巾。綠巾恥富貴。功名由巾起。  
吁嗟乎。君名不愧替錢死。  
近吾以作詩話。故海內名士。頗有以故人詩。寫寄者。非獨鄙人欣幸。度亦我文壇同志所願望也。至最

錄之

潘蘭史以康烈士幼博一詩見寄。乃為蘭史題獨立圖者也。詩云。迢迢香海小關干。獨立傲吟一笑歡。我  
亦平生有心事。好花留得與人看。其擗柱一身為。後來國民謀幸福之心。活現紙上。讀竟愴然。幼博先生  
詩不多見。吾昔誦其一。二。今復不能記憶。得此狂喜不自勝。潘君吾粵人。名飛聲。嘗游德國。久主香港華  
字報。最主持清議者也。

蘭史又寄公度詩三章。其第一章已錄報中。不再錄。其第二章題為「香港訪潘蘭史題其獨立圖」。詩  
云。四億萬人黃種貴。二千餘歲黑甜濃。可堪獨立山人側。多少他人卧榻容。其第三章題為「夜泊」。詩云。  
一行歸雁影零丁。相倚雙鳧睡未醒。人語沈沈蓬悄悄。沙光淡淡竹冥冥。近家鄉夢心尤亟。拍枕濤聲耳  
厭聽。急趁天明催榜發。開門斜日帶殘星。案蘭史獨立圖一。時名士題詠殆徧。余記邱倉海一聯云。黃人  
尚味合羣理。詩界差存自主權。意境新闢。余亟賞之。

李曉暎以譚瀏陽遺詩見寄。類多見。莽蒼蒼齋詩中者。斷柳檢今錄其一。和友人除夕感懷四篇并叙。二  
叙曰。舊作除夕詩甚夥。往往風雪羈旅中。拉雜命筆。數十首不能休。已而碎其藁。與馬矢車塵同朽矣。今  
見鏡君作。不覺蓬蓬在腹。憶除夕商州寄仲兄風檣抗手。別家園。家有賢兄感鶴原。兄曰。嗟予弟行役。不  
知今夜宿何邨。風景不殊。幽明頓隔。歐邑陳言。所感深焉。亦不自知粗放爾許。一詩曰。斷送古今惟歲月。  
昏昏臘酒又迎年。誰知羲仲寅賓日。已是共工缺陷天。相待鳳鳴心不死。澤因龍起腹難堅。寒灰自分終  
銷歇。賴有詩兵鬥火田。我輩蟲吟真碌碌。高歌商頌彼何人。十年醉夢天難醒。一寸芳心鏡不塵。揮灑琴

尊辭舊歲。安排險阻。著孤身。乾坤劍氣。雙龍獻。喚起幽潛。共好春。內顧何曾足。肝膽。論文晚。乃得鬢翁。不  
觀器識。才終隱。即較文詞。勢已雄。逃酒人。隨霜陣。北談兵。心逐海潮東。飛光自撫。將三十。山簡生來。憂患  
中年。華世事。兩迷離。敢道中原。鹿死誰。自向冰天。鍊奇骨。暫教佳句。屬通眉。無端歌哭。因長夜。楚尾陰陽  
勝此時。有約聞雞。同起舞。燈前轉恨。漏聲遲。曉暎名振鐸。湖南邵陽人。武壯公臣典之子。近主蘇報。能發  
揮新思想者也。

何肇一以唐瀏陽兩詩見寄。皆嘗見上海亞東時報者也。其一為送安藤陽洲之燕京詩。云。東風吹滿神  
勝洲。日落海天飛行舟。壯士拂衣出門去。搜身一劍橫青鞵。易水蕭蕭竄聲歇。望斷燕雲十六州。哀哀長  
弘血化碧。頸項猶擁仇人頭。魍魎滿城風雨腥。狂飈穴道窺人行。磨牙厲吻十萬隊。飽不暇去飢則鳴。忽  
然海疆馳飛電。戰慄聲嘶涕淚并。有時邊警偶不至。梨園歌舞酣承平。晉陽休礙君王獵。文母寧知漢室  
傾。白馬橫江飲君酒。盧龍憶否何人手。南北中分楚漢秋。太平洋面波亂吼。從來世事如奕棋。可憐被髮  
伊川走。亞東之局復如何。不見魯陽揮天戈。一髮牽之全身動。蒼苔浴日生洪波。義壘停駐坤紐絕。寂寂  
人間曳落河。陽洲先生安藤子。芒鞋踏遍萬山紫。黃金市駿今無人。獨向燕門訪奇士。隱隱中原擊鼓聲。  
送入英雄夢魂裏。與君半載相相依。奈何一旦分別離。南浦綠波淚如雨。古愁蕩漾天之涯。其二為次深  
山獨嘯荒井昌頤韻。坤輿跌宕何其神。紛綸億兆北京人。中有健者宅扶桑。雄心俠骨輕根塵。讀書不讀  
陰符經。百卷甲兵羅君身。洪濤會翻世界海。何用行吟江之濱。嗟我神州黑暗獄。奇憂空湧詩小曼。東南  
膏血西北爐。利盡錐力窮絲繆。邇來二百五十載。蠻牛馬助且貧。嗜愚甘鴉波綿毒。胡人竊取如醜醉。

文明新運疇。富新中土寒生春。使我羞見數君子。欲吐旋茹多酸辛。波蘭覆轍斯須耳。哀哀天道無  
屈伸。君不聞輔車相依虞虢勢。奈何坐令點虜驕絕倫。

吾嘗推公度。德卿觀雲為近世詩家三傑。此言其理想之深邃闊遠也。若以詩人之詩論。則邱倉海。逢甲  
其亦天下健者矣。嘗記其己亥秋感八首之一云。遺偈爭談黃蘗禪。荒唐說餅更青由。戴笠豈應遷都兆。  
逐鹿休詎厄運年。心痛上陽真畫地。眼驚太白果經天。只愁鐵緯非虛語。落日西風意惘然。蓋以民間流  
行最俗最不經之語入詩。而能雅馴溫厚。乃爾。不謂詩界革命一鉅子耶。倉海詩行於世者極多。余於  
前後秋感各八首外。酷愛其東山感秋詩六首。詩云。痛哭秋風又一年。舢舨夢落楚江天。拾遺冷作諸侯  
客。袍笏空教拜杜鵑。天涯心逐白雲飛。瑟瑟秋蘆點客衣。回首大宛山上月。更無緘札問當歸。斜日江聲  
走急灘。殘棋別墅局方難。後堂那有殘絲竹。陶寫東山老謝安。寒蛟海上趁人來。漠漠秋塵掃不開。滿目  
桑田清淺水。五雲樓閣是蓬萊。冷落山齋運甕身。天門八翼夢無因。西風吹起神州恨。塵尾清談大有  
老樹秋聲撼睡童。讀書情趣遜歐公。挑燈自寫級蘭句。一卷離騷當國風。  
自唐人喜以佛語入詩。至於蘇坡王。其高雅之作。大半為禪悅語。然如溪聲便是廣長舌。山色豈非清  
淨身之類。不過弄口頭禪。無當於理也。人境廬集中有一詩。題為以蓮菊桃雜供一瓶作歌。一半取佛理。  
又參以西人植物學化學生理學諸說。實足為詩界開一新世界。女媧鍊石補天處。石破天驚逗秋雨。吾  
讀此書。真有此感。詩如下。  
南斗在北海。西流春非我。春秋非秋人。言今日是新歲。百花爛漫堆案頭。主人三載蠻夷長。足偏五洲多

異想且將本領管羣花一瓶海水同供養。蓮花衣白菊衣黃。天桃側侍添紅粧。雙花並頭一在手。葉葉相對花相當。濃如梅檀和眾香。燦如雲錦紛五色。華如寶衣陳七市。美如瓊漿合天食。如競笳鼓調笙簧。蕃漢龜茲樂一律。如天雨花花滿身。合仙佛魔同一室。如招海客通商船。紅黃白種同一國。一花驚喜初相見。四千餘歲甫識面。一花自顧還自猜。萬里絕域我能來。一花退立如局縮。人太孤高我慙俗。一花傲睨如居居。了更嫵媚非粗疎。有時背面互猜忌。非我族類心必異。有時並肩相愛憐。得成眷屬都有緣。有時低眉若飲泣。偏是同根煎太急。有時仰首翻躊躇。欲去非種誰能鋤。有時俯水瞋不語。無滋他族來逼處。有時微笑臨春風。來者不拒何不容。眾花照影影一樣。曾無人相無我相。傳語天下萬萬花。但是同種均一家。古言倚籬花無知。聽人位置無差池。我今安排花願否。拈花笑索花點首。花不能言我饒舌。花神汝莫生分別。唐人本自善唐花。或者併使蘭花梅花一齊發。飄輪來住如電過。不日便可歸支那。此瓶不乾花不萎。不必少見多怪如橐駝。地球南北倘倒轉。赤道逼人寒暑變。爾時五羊仙城化作海上山。亦有四時之花開滿縣。即今種花術益工。移枝接葉爭天功。安知蓮不變桃桃不變為菊。迴黃轉綠誰能窮。化工造物先造質。控搏眾質亦多術。安知奪胎換骨無金丹。不使此蓮此菊此桃萬億化身合為一。眾生後果本前因。汝花未必原花身。動物植物輪迴作生死。安知人不變花花不變為人。六十四質亦么麼。我身離合無不可。質有時壞神永存。安知我不變花花不變為我。千秋萬歲魂有知。此花此我相追隨。待到汝花將我供瓶時。還願對花一讀今我詩。

余自己亥冬游夏威夷。其後返上海香港檳榔嶼錫蘭。遂游偏澳洲全境。所至非熱帶地。即暑伏節也。於是余不見雪者殆三年。澳亞歸舟曾有句云。水心慣任熱世界。老國從思新少年。蓋紀實也。壬寅正月復旅日本。獨居塔澤環翠樓者月餘。日忽晨起。則玉屑滿庭。狂喜若逢故人也。遂成兩絕句。其一云。夢乘飛船尋北極。層層壓壓天。天為窄。羽衣仙人拍我肩。起視千山萬山白。其二云。三年越鳥逐南枝。汗清塵巾鬢有絲。今日緇衣忽化素。溪橋風雪立多時。

壬寅九月復偕平子荷庵慧之游箱根。定五年前侍南海先生舊游處也。旅館壁間懸先生手書一軸。即宿此旅館時所為詩也。詩云。電燈的的照樓臺。夜屨游廊幾百回。明明如月心難擬。歷歷微塵劫未灰。風葉一秋疑積雨。瀑泉竟夕隱驚雷。曉珠斗大盈懷抱。倚偏銀屏數去來。余與三子摩挲環讀。不勝今昔之感。平子有詩云。偶捐塵境尋幽去。到眼風光萬念新。即物即心猶有著。度人度我總多情。迴環碧水戀紅葉。杳渺青山眷白雲。各抱相思無可說。為誰西望一沾巾。箇中感觸非我同游者不能喻也。南海先生遊箱根一旬。得詩甚多。戊戌國變紀事四首。即成於彼時也。余最愛誦其五古一章云。天地大逆旅。家國長傳舍。斯人吾同室。疾苦誰憐借。萬方凝秋氣。閉戶誰能謝。既入帝網中。重重纏絡結。荆榛蔽大道。澗谷起寸莠。解脫非不能。垢衣吾敢卸。化身曾八千。惻怛又稅駕。仲尼本旅人。瞿曇乃乞者。我生亦何之。歷劫更多暇。信宿席不煖。去住心無挂。仄飛滄海變。時放光明夜。有自署童邱生者。以長沙舒烈士閏祥感懷詩八章見寄。烈士字蒲生。晚號萍齋。唐瀏陽至交也。以己亥春成仁於湘中。章邱生來書叙君性行頗詳恕不備備載寶諸卷中為他日史料昔惟聞海上諸君子。傳誦其詩有入市無屠狗。驕人讓沐猴之句。深以片鱗隻甲為憾。今得此八章。烈士之志節文章。亦畧見一斑矣。因亟錄之。如下一夜西風

萬木凋繞枝烏鵲去迢迢。慈邊淚落銀河水。夢裏心翻碧海潮。日月乾坤雙照外。干戈天地一身遙。江關  
蕭瑟尋常事。銅狄摩挲憾不消。太息回天力尚微。乘秋便欲破空飛。一身詎忍言功罪。萬口偏難定是非。  
大澤龍蛇終啟蟄。故山猿鶴莫相違。三千死士田橫島。南望中原涕淚霏。軍符一道下從容。宜有昇平答  
九重。誰向廣寒修月斧。却教洛浦應霜鐘。越禽背暖孤飛去。祭犬驕人反噬凶。落日營門散秋色。將軍獨  
自頌時雍。久已分封向醉鄉。又憑射獵入長楊。清澗清瀾雙流合。門第金張七葉昌。君子何辭化猿鶴。中  
朝從此有蜩螗。逢人莫道頭顱好。鏡裏相看半是霜。漢南司馬今人傑。萬事應非築室謀。詞舞能銷君國  
恨。死生空壓友朋憂。功名白髮三持節。霄漢丹心一借籌。遙領頭銜是橫海。祇隨李蔡晉通侯。周宣車馬  
中興日。漢武樓船擊空年。奉使更無蘇屬國。談兵偏罪杜樊川。風雲淮海行看盡。子弟湖湘亦可憐。昨夜  
攬槍又西指。仗誰搔首問青天。重見詞源三峽傾。幾人聯袂又蓬瀛。欲隨暮燕營新壘。已與江鷗背舊盟。  
未死秦灰猶有錄。僅存魯壁更無聲。關山直北愁金鼓。要借絃誦寫太平。當年亦是鳳鸞姿。雲壓霜欺歷  
幾時。官味乍同鷄肋感。壯懷應有馬蹄知。濁醪味薄愁難破。故劍情深有所思。風景不殊悲舉目。買山何  
處採華芝。章邱生何人也。望以姓氏里居論。我俾慰飢渴。  
人境廬集中。性情之作。紀事之作。說理之作。沈博絕麗。體殆備矣。惟綺語絕不少概見。吾以為公度守佛  
家第七戒也。頃見其都踊歌一篇。不禁撫掌大笑曰。此老亦狡獪乃爾。歌有序。序云。一西京舊俗。七月  
十五至晦日。每夜豆索街上懸燈數百。兒女豔妝靚服。為隊舞踏。達旦名曰都踊。所唱皆男女猥褻之辭。  
有歌以為之節者。謂之音頭。譯而錄之。其風俗猶之唐人合生歌。其音節則漢人董逃行也。一詩云。長袖

飄飄兮鬢峨峨。荷荷裙緊束兮帶斜拖。荷荷分行逐隊兮舞僂僂。荷荷往復還兮如擲梭。荷荷回黃轉綠  
兮同投莎。荷荷中有人兮通微波。荷荷貽我欽鸞兮餽我翠螺。荷荷呼我娃娃兮我哥哥。荷荷柳梢月兮  
鏡新磨。荷荷難眠猶睡兮犬不呵。荷荷待來不來兮歡奈何。荷荷一繩隔兮阻銀河。荷荷雙燈照兮暈紅  
渦。荷荷千人萬人兮妾心無他。荷荷君不知兮棄則那。荷荷今日夫婦兮他日公婆。荷荷百千萬億化身  
菩薩兮受此花。荷荷三千三百三十二座大神兮聽我歌。荷荷天長地久兮無差訛。荷荷  
余自去年始獲以文字因緣交蔣觀雲。住在美洲。見清議報文苑有題因明子稿者。大心醉之。願以為夏  
穗卿作。蓋其理想魄力無一不肖穗卿也。爾後屢讀因明詩。而認為穗卿之心益橫亘胸中。在澳洲作廣  
詩中八賢歌首頌因明。而下注穗卿。及東還始知其誤。改正之。故歌中竟闕穗卿也。於是乞交因明之心  
益熱。此吾腔子裏一段歷史。亦可為藝林增一談柄也。初讀觀雲詩。為「時運」一首。至今常日三復之不  
辭。辭枝再寫一通。……鬱鬱思世理。多由無字書。初俗進農桑。震旦足菑禽。爾時號聖賢。倫理為排梳。亦  
足致小康。井里安厥居。中間更衰亂。大致復相如。倏忽宙運變。絃理有乘除。昔者尚專制。今茲道猶曠。昔  
隆禮與法。今畫自由法。孟晉足競存。墨守喪其車。賢豪已奮燬。頑靈乃齟齬。由來新舊交。殺氣滿員輿。軒  
隱雷電已。震野始靚。羣大身則小。此言不可鋤。洵洵朕時艱。櫻救甯非子。吾有黨與徒。來者方徐。吾  
有日與月。萬古為居諸。生民丁時異。四氣有慘舒。蒼然望六合。相要重瓊瑤。兜座不苦擗。何由燼瘍疽。數  
敵不拆毀。何由築室處。綱纆聖所云。不遑事拮据。母吟雲漢詩。傷哉泣周餘。  
余與觀雲至今未識面。今春貽以一影像。騰一絕句云。是我相是眾生相。無明有愛難名狀。施波羅蜜證

與君拈花笑指靈山上。觀雲報我一影像。亦勝一偈云。分明有眼耳鼻舌。一文不值何消說。如我自看猶自厭。暫流蛻殼在人間。觀靈太拙謙生。

平子孝高。後訪余於箱根。月夜相與登塔峯絕頂。高歌南海先生舊作。一「天龍作騎萬靈從。獨立飛來縹緲峯。懷抱芳馨。一握縱橫。宙合霧十重。眼中戰國成爭。海內人才孰卧龍。倚劍長號歸去也。千山雲雨嘯青鋒。」一詩。覺胸次浩然。大有舞雲三三兩兩之意。歸環翠樓。平子為其近作雜詩十二絕。見示詩云。晚風初定曉雲生。忍把浮名與世爭。忽憶身前身後事。星球幾處現光明。其意根有著成圓缺。眼識無端說暗明。最是良宵人去後。高樓望月更何人。其日之方中夜未央。是誰念念續微茫。公情私愛元黃媿。寸寸靈臺總戰場。其忽然思想遍諸天。摘取奇情歷歷傳。吾舌猶存何所用。有權斯世創公言。其人間天上原無別。何處相思可渡河。星月紛紛惟見影。那邊相望又如何。其構成世界原兒女。挾骨柔腸一例才。莫渡如來寂滅海。不妨齊向愛河來。其器世微塵作麼生。山馳水湧尚難平。繁星如豆人如蟻。獨倚危樓看月明。其魂魄魂色色現靈臺。一例人天大會開。我亦天公一分子。更何心事問天來。其流水柴門盡日關。鳥聲如夢落花開。詩情畫意都忘却。余欲無言對此山。其都思田里與妻兒。咫尺長安悵別離。四萬萬人皆地主。為誰爭說客京師。其千家好夢初成候。我獨高歌也枉然。樓外繁星光悄悄。奇聲應隔萬重天。其落照依微月上遲。其誰終古話相思。剎那悟了前生事。恰似今宵夢醒時。其十。余讀竟酒然若有所得。茫然若有所失。昔與平子及兩劉陽鐵樵同學。佛日輒以「為一大事出世」之義相棒喝。比年以來。同學少年死亡流落。余且飽經世態。沉汨外學。吾喪真吾久矣。平子相見。叩以近所得。且勗以毋忘舊業。不覺

冷水澆背。如南泉聞雁聲過去時也。

平子不以詩名。偶有所作。溫柔敦厚。芳馨悱惻。蓋平子性情中人也。余記其庚子秋。東渡日本。舟中作四絕。云。急雨渡春江。狂風入秋海。辛苦總為君。可憐君不解。一山被白雲封。水把青山繞。一樣是多情。即心道誰好。解宵坐紉春衣。晨興刈秋草。十指豈辭勞。寸心終悄悄。解三更滿窗風。五更一樓雨。野渡斷人行。夢魂不知處。細吾酷愛之。謂其為離騷之音也。平子又為覺頓書。錄舊作一章云。不相菲薄不相羨。入世皇皇出世間。獨立中流喧日夜。萬山無語看焦山。蓋純乎學道有得之言。余昔記曾重伯詩有「萬朵紅蓮禮白蓮」之語。余驚嘆以為妙想妙語。得未曾有。平子萬山無語看焦山。一句警策相類。而意境猶似過之。可謂無獨有偶。

王紫詮之翻譯事業。無精理。毫無足稱道者。我國學界中。亦久忘其人矣。雖然。其所譯普法戰紀。中有德國法國國歌各一篇。皆彼中名家之作。於兩國立國精神。大有關係者。王氏譯筆。亦尚能傳其神韻。是不可以人廢也。德國祖國歌一長篇。已見本報第十一號軍國民篇。今復錄其法國國歌四章如下。……法國榮光自民著。愛舉義旗宏建樹。母號妻啼家不完。淚盡詞窮何處訴。吁。王虐政猛於虎。烏合爪牙廣招募。豈能復觀太平年。四出搜羅困奸蠹。奮勇與師。一世豪報仇寶劍。已離鞘。進兵須結同心誓。不勝捐軀義並高。解維今暴風已四播。辱王相繼民悲吟。荒郊犬吠戰聲哀。田野蒼涼城闕破。惡物安能著眼中。募兵來往同相佐。禍流遠近惡貫盈。罪參在上何從赦。奮勇與師。一世豪報仇寶劍。已離鞘。進兵須結同心誓。不勝捐軀義並高。解維王泰侈弗可說。貪婪不足為殘賊。攬權怙勢給壑張。如納象軀入鼠穴。

驅使我民若馬牛。瞻仰我王逾日月。維人含靈齒髮。詎可鞭笞日摧。奮勇與師一世豪。報仇寶劍已離鞘。進兵須結同心誓。不勝捐軀義並高。解我民東政貴自主。相聯肢體結心誓。脫身束縛在斯時。奮發英靈振威武。天下久已厭亂離。詐偽相承徒自苦。自主刀鋒正犀利。安得智驅而術取。奮勇與師一世豪。報仇寶劍已離鞘。進兵須結同心誓。不勝捐軀義並高。吳季清先生一家之死難。寔我生朋友中最痛恨之事。而戊戌北京庚子漢口諸烈以外。一大悲慘之紀念也。久欲為一詩紀哀。至今未成。引為疚焉。前曾見黃公度所作三哀詩中數語。今復得其全編。我心目中所欲言。殆盡於是。我其亦可以無作矣。亟錄入詩話。……世界隨轉輪。成壞各有劫。適值傾覆時。萬法不必說。以君循吏才。三年官於越。無端桴鼓鳴。伏莽寇竊發。山縣斗大城。城頭黑雲壓。紛紛彼狼心。躍躍欲喧嘩。君昔理常平。手曾治大猾。鴉音不能革。生性成樵枿。到此播流言。官實通賊謀。作賊兼作官。滿城耳手滑。獬犬狂號跳。奔馬肆蹄躐。但是縣衙人。一見輒摧碎。即當子若孫。衣破脚不襪。同寮不肯留。望門走托鉢。指名徧搜穿。牽髮互纏結。驅羊入屠肆。執筆尚鞭撻。天堂變地獄。肉花碎片割。同時遭荼毒。彼此造何業。原注君一家受戮後。並尸於天主堂中。教士被害。君當就縛時。自知當永訣。上念我佛恩。如何得解脫。下傷戚母慈。如何保生活。可憐八十母。蕭條幾黃髮。追憶六年前。春酒壽筵設。君披宮錦袍。手執先朝笏。公瑾與伯符。同年小一月。我歌壽人曲。登堂來拜謁。孫曾六七枝。一一芝蘭茁。最小耳銀瓏。齠面白

勝雪。誰料綠衣舞。回旋僅一瞥。覆巢無完卵。離鳥鳴亦絕。聞今既半年。未悉子存歿。家人畏驚倒。相戒咸結舌。入則圍紅裙。出乃易墨經。母尚依閭望。朝夕拜菩薩。念子歸何遲。此別太契濶。原注家人說以大府豈知望子。豈早既堆白骨。以君精佛理。風通一切法。明知入世事。如露如泡沫。佛力猶有盡。何況身生滅。將頭臨刃時。定知不驚怕。獨怪耶穌教。辦香未曾教。如何偕教徒。一例受磨折。觀君遭萬變。已足空一切。只有黃鳥歌。哀吟代嗚咽。原詩後復有補注。敘述吳公死事。實頗詳盡。錄之以備後之作。史者參考焉。勝雪。誰料綠衣舞。回旋僅一瞥。覆巢無完卵。離鳥鳴亦絕。聞今既半年。未悉子存歿。家人畏驚倒。相戒咸結舌。入則圍紅裙。出乃易墨經。母尚依閭望。朝夕拜菩薩。念子歸何遲。此別太契濶。原注家人說以大府豈知望子。豈早既堆白骨。以君精佛理。風通一切法。明知入世事。如露如泡沫。佛力猶有盡。何況身生滅。將頭臨刃時。定知不驚怕。獨怪耶穌教。辦香未曾教。如何偕教徒。一例受磨折。觀君遭萬變。已足空一切。只有黃鳥歌。哀吟代嗚咽。原詩後復有補注。敘述吳公死事。實頗詳盡。錄之以備後之作。史者參考焉。原注君一家受戮後。並尸於天主堂中。教士被害。君當就縛時。自知當永訣。上念我佛恩。如何得解脫。下傷戚母慈。如何保生活。可憐八十母。蕭條幾黃髮。追憶六年前。春酒壽筵設。君披宮錦袍。手執先朝笏。公瑾與伯符。同年小一月。我歌壽人曲。登堂來拜謁。孫曾六七枝。一一芝蘭茁。最小耳銀瓏。齠面白







